

C40-4514

歸元直指序
歸元直指之書何爲而作也一元本
禪師指修淨土者正念直往無疑而
作也其書二卷皆採集三教經論諸
宗要語類以成編欲行于世啓迪未
聞普願法界衆生於此說中一見開

C40
4514

64853



解了悟真心固知彌陀依正乃在西方達西方依正不離本性但念佛者皆得往生余謂念佛一門圓攝無外悉皆具足如意珠置高幢上能滿一切衆生所欲體無虧損利益巨量後學印心真空亦慕東林之蓮社孜

孜以淨業爲急務凡見一切人等勸
念阿彌陀佛雖寒暑之變疾病之來
不退初心愈加精進於是名繙巨儒
咸仰其化諦信無疑敬惜是書重如
至寶遂以募衆鋟梓廣布流傳同欲
紹一元之志也延慶雲林隱公隨喜

讚助繕寫成帙其功已圓屬余爲序
余不敢妄爲臆說姑竊先覺之論以
儻之未知明眼人可否何如

大明嘉靖三十二年癸丑歲四月

誕穀旦寧波府都綱奉劄兼住寶
雲講寺澹雲福懸齋沐謹書

歸之直指者直指衆生發真歸
之復還本然之天也何則衆生諸佛
同一體故諸佛已悟衆生在迷迷
悟雖殊性常平等是故佛示無邊
三昧悉令衆生返妄歸真唯有淨
土一門超脫輪迴捷徑修之極易到
之不難所以諸佛同宣苦隆共讚

9 10 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8

卷臨邪宗者著于事相不肯捨者
有順于應緣不自覺者有守枯木
而言空者有恃聰明而称慧者有奔
走非道而言能者有假于鬼神而
言通者有身心放曠而言無礙者
有口耳潛傳而言秘訣者如斯等類
深可痛傷觀其所由豈容緘默必
當輕身重法廢寢忘食齋沐一心

投誠

三寶詳究諸家之本末決擇是非
汎窮百氏之源流辨明邪正其朗如日
其直如弦會三教而歸一之正一以
契衆信非敢扶于宗教祇喜益於未
聞具眼人前不得錯舉何哉窮諸
方辯若一毫置于太虛竭盡樞機
似一滴投於巨壑然雖如是不可無

9 10 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8

言要因指以旦月得魚而忘筌直待
藥病而除始到精粗一致勿以執事
迷理勿以棄有著空誠能覺自覺他
功德雖思難識伏望

高賢達士發大悲心不憚疲勞開
示後學華嚴經云譬如暗中寶無
燈不可見佛法無人說雖慧莫能了
至哉言也或者厭其文繁而不讀者

讀而不信者信而不行者行而不久者
斯皆不足以語道也不足宗鑑云演
廣非多此是一中之多標略非一法是
多中之一談空不斷斯乃即有之空
論者不常斯乃即空之有如闡普眼
之法門皆是理中之義似舒大千之經
卷非標心外之文於戲如斯佛言不信
何言可信淨土不生何土可生人道不修

10 1 2 3 4 5 6 7 8 9 20

30

1

2 3 4 5 6 7 8

他道雖修莫教一日踏頭差半佛出來雖教汝不聞裝相國云生靈之所以往來者六道也鬼神沉出愁之苦鳥獸懷獨城之悲修羅方嗔諸天正樂可以整心靈趣菩提唯人道為能耳人而不為吾未如之何也已矣諸仁者火急進一步聞健修持一息不來惄無所及况以人身易失佛灑雖逢直下

承當早是遲矣但願人人興決烈之志各各開物達之懷宜見賢以思齊在當仁而不讓可謂彼既丈夫我亦爾不應自輕而退屈

獨

許必切
欣入聲

戒

許月初
血音也

鶴驚飛
歎怖走

嘉靖三十二年孟夏月

佛誕日四明延慶講寺傳天台教

觀沙門一元宗本撰

9 10 1 2 3 4 5 6 7 8 9 20 1 2 3 4 5 6 7 8 9 20 1

康熙十四年閏五月朔王前三日
龍湖法雲比丘巨徹寂菴濯敬書



學有及物之功文爲載道之器學而不能利
庫物徒學也文而不能衍虛蕪空文也
若夫推其道發於文章肆其學以援斯人
同衣本禪師三觀圓修一心淨土不捨慈
悲出定揚德嗟夫吾佛之教法心法也生
靈同而有焉但爲虛妄所蔽不能顯現汨
四生淪六趣何由得已哉而吾佛愍之以

9 10 1 2 3 4 5 6 7 8 9 20 1 2 3 4 5 6 7 8 9 30 1

此心法隨器而諭俾各得虛本有或者不
仰恩懷德反生譏毀是則自毀其心非毀
其教法也教中所謂世智辨聰八難之一
且不信而毀又非虛妄所蔽若虛妄所蔽
或能了妄卽真不信而毀則自昧其心自
昧其心猶種之敗芽之焦不復有發生之
日矣得不尤可愍哉而一元性稟生知能

體佛意學則必欲援世非徒學也文則必
在明道非空文也讀之可以開人天之眼
目統之可以掃儒釋之藩籬好書而不好
此書孰謂好學明道而不明斯道豈曰明
心於是儀悟二公募同袍于衆信施衣貲
刊此集正所謂愛道德爲寶者百世之師
法也愛墳典爲寶者千載之流芳也愛資

9 10 1 2 3 4 5 6 7 8 9 20 1 2 3 4 5 6 7 8 9 30 1

帛爲寶者萬年之遺臭也據最靈而爲愛
之情同矣擇其所以寶之理特異耳可不
慎倅

嘉靖三十二年歲次癸丑孟夏上浣
釋迦誕日寧波府副都綱延慶講寺梅川

道中焚香謹序

歸元直指集上卷總目

念佛正信往生文

十八

尊崇三寶教法篇

二

孝養父母報恩文

三

行脚求師開示序

四

開示參禪龜鏡文

五

禪宗淨土難易說

六

辨明邪正決疑文

七

勸發真正大願決定往生說

八

慈照宗主示念佛人發願偈并序

九

10.1 2 3 4 5 6 7 8 9 20

30

1

卷之二

天台智者大師勸人專修淨土

十

永明壽禪師戒無證悟人勿輕淨土

十一

長蘆噴禪師勸參禪人兼修淨土

十二

龍舒王居士勸人徑修淨土

十三

丞相鄭清之勸修淨土文

十四

辨明六祖大師西方淨土

十五

諸祖指歸淨土文

十六

諸經指歸淨土文

十七

阿彌陀佛因地事理說

十八

龍舒口業勸戒文

十九

辨明三教大理贊翊治化論

二十

毒峰善禪師三教一理述

二一

姚少師佛法不可減論

二二

靜齋學士三教平心論

二三

黃門侍郎歸心辨惑篇

二四

三教真如本性說

二五

東坡學士飲食說

二六

優曇祖師戒殺文

二七

佛印禪師戒殺文

二八

真歇禪師戒殺文

二九

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

普菴祖師戒殺文

三十

身爲苦本覺悟早修

三一

三大聖人決疑文

三二

萬宗禪師直指篇

三三

龍華三會略要說

出藏經

三四

宗鏡要語

三五

禮佛發願文

三六

淨土成佛

三七

歸元直指集下卷總目

三八

辨明異端

三九

辨明楊墨

四十

辨明虛無寂滅

四一

辨明鬼神情狀

四二

辨明天誅雷擊

四三

君臣名儒學佛

四四

儒宗參究禪宗

四五

學佛謗佛

四六

從人謗佛

四七

破不信因果

四八

10 1 2 3 4 5 6 7 8 9

20

30

40

50

60 70 80 90

地獄輪迴異類說 出儒典

四九

辨明升降託胎

五十

辨明梁武定業 丞相張商英解

五一

辨明東西界域

五二

辨明三教經典

五三

辨明三教至道

五四

辨明三教優劣勸修淨土論

五五

辨明三教聖人前後降生頌

五六

辨明精氣神

五七

離相顯性往生淨土說

五八

身雖出家不求淨土說

五九

裴相國身心虛偽說

六十

龍舒居士婦殺說

六一

理事圓頓說

六二

爲君子說

六三

情說

六四

小因果說

六五

二天人說

六六

勸修備說

六七

寄庫功德說

六八

10 1 2 3 4 5 6 7 8 9 20

30

1

2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9 30

勸人敬惜字紙

八九

勸修西方淨土

九十

普勸修持淨土

九一

預辦淨土資糧

九二

臨終正念往生

九三

臨終三疑

九四

臨終四關

九五

淨業疏式

九六

行願流通

九七

歸元直指目錄終

上卷末附

西方山居詩百首

歸元直指集卷上

念佛正信往生文

一

蓮宗寶鑑云夫唯心樂國普偏十方自性彌陀圓融
一智妙應於色聲之境流光於心目之間就中返妄
歸真直下背塵合覺昔我法藏發弘誓啓極樂之玄
途故佛世尊指西方示韋提之妙域是乃廣長舌覆
化之慈悲量大教分九品乃別開方便之門觀明一
心實徑直還源之路聖凡際會如久客歸於家鄉感
應道交似稚子投於慈母昧斯至理觸頰皆迷信此

圓談事無不達况復慈光願攝佛力難思順水乘船
不勞自力推門落白豈有他哉有願必迎無機不被
舟石可濟獄火頓消菩薩聲聞生彼者無量無數前
賢後聖得道者可檢可尋鶻鵠頻伽尚有法音演唱
蜎飛螟動悉蒙教化恩慈聖境非虛佛言不妄何乃
愛河浪底沉溺而不憂火宅焰中焚燒而不懼密織
癡網淺智之刃莫能揮深種疑根汎信之力焉能拔
遂卽甘心伏意幸禍樂灾却非清淨之邦貪戀煩惱
之世焦蛾爛繭自處餘殃籠鳥鼎魚翻稱快樂皆由
善力微而業力勝信根少而罪根多是以三界茫茫

四生擾擾盡貪生而兀兀孰解知歸悉逐業以悠悠
不求出要過去生死劫石難窮未來輪迴芥城莫盡
匪夙生之有幸豈得遇於斯因擊鼓開囹圄之門宜
應速出逢舟濟沉淪之難詎可遲疑敬順全文善隨
佛學不聞不解者可痛可傷焉矧茲五濁惡世四面
火焚唯佛一人力能救援既聞妙法宜植淨緣一念
信誠萬德因種思齊先哲希悟真常普皆如說奉行
盡心頂禮信受問曰旣言信者未知信何法門答曰
信憑經中佛說念佛定生淨土信念佛定滅諸罪信
念佛定得佛護信念佛定得佛證信念佛臨終定得

佛來迎接信念佛往生定得不退地信念佛生淨土
定不墮三惡道所以勸信念佛受此法持此念則往
生淨土必矣是故三世諸佛諸大菩薩歷代祖師修
諸功行具大願力入佛境界成就菩提未有不從
箇信字而入也華嚴經云信爲道元功德母信能長
養諸善根信能超出衆魔路信能入得三摩地信能
解脫生死海信能成就佛菩提嗟乎今時齋人信持
戒而不信念佛信奉佛而不信往生淨土是皆自失
其大利也故維摩云深信堅固猶如金剛欲到西方
要由深信君看淨土恒沙佛盡是當年正信人

尊崇三寶教法篇

—

天上天下三寶爲尊世出世間三寶爲最何名三寶
佛法僧也三寶者有三種一曰同體三寶謂真如之
理自性開覺名爲佛寶德用軌則自性真正名爲法
寶動無違諍自性清淨名爲僧寶二曰出世三寶謂
法報化身隨類應現是爲佛寶六度詮旨四諦緣生
名爲法寶十聖三賢五果四向名爲僧寶三曰世間
住持三寶謂泥龕塑像名爲佛寶黃卷赤軸名爲法
寶剃髮染衣名爲僧寶歸依者罪滅河沙瞻仰者福
增無量今有邪愚不解僞換真宗妙義經妄言精是

10.1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

佛寶氣是法寶神是僧寶致使入善門者信其邪說
不敬三寶實可憐愍若夫不敬世間三寶則同體出
世三寶何所得哉自賺猶可又賺他人可謂歧人天
之正路瞎人天之眼目毀因果之真教澆定慧之淳
風無甚於此也佛言一切衆生若不歸依三寶永劫
墮三惡道不見古教云十方薄伽梵圓滿修多羅大
乘菩薩僧功德難思議歸依佛者不墮地獄歸依法
者不墮餓鬼歸依僧者不墮旁生何以故佛爲無上
醫王法是除病良藥僧乃導人知識並爲真淨福田
背之則邪向之則正凡見一切佛像起如來想見一

切聖教生難遭想見一切比丘僧起祖師想禮拜供
養無得輕欺以佛莊嚴而自莊嚴如此則一體三寶
唯心備具矣諸仁者若欲得道當依佛語違而得者
無有是處或曰達磨西來不立文字直指人心見性
成佛何須看經教而悟道乎答曰達磨老祖之說實
是應病之良藥今人不達祖師宗旨反以執藥成病
矣祖師要人悟心合教故說此言恐學人泥於文字
而不參本佛亦恐滯指而迷月也六祖云達磨道箇
直指早是曲了也何以故要知不立兩字亦是文字
豈可謂無文字乎若真不立文字人亦不合語言只

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

此語言亦是文字之相豈可言其不立乎愚人見說
不立就便一向執空只說不立文字反謗佛經罪障
深重可不戒哉不見達磨傳法偈曰吾本來茲土傳
法救迷情一花開五葉結果自然成祖又曰吾有楞
伽經四卷亦用付汝即是如來心地要門令諸衆生
開示悟入如此者達磨豈無文字與人乎先德云看
經者明佛之理也則是藉教明宗心與教合以心印
心無二無別故知欲達真乘須親教典稟教乃能明
理明理然後修行行願無虧道果可證看教既有此
益焉可輕其教法乎鴻山警策云教理未嘗措懷玄

道無因契悟及至年高臘長空腹高心不肯親附良
朋惟知倨傲遂成疎野觸事面牆後學咨詢無言接
引縱有談說不涉典章或被輕言反責後生無禮纔
相覺察便言我是山僧人我貢高欺壓後學遂使一
生空過後悔無追展轉輪迴何時休息噫若有中流
之士未能頓超且於教法留心溫尋貝葉精搜理義
傳唱敷揚接引後來報佛恩德時光亦不虛棄必須
以此扶持住止威儀便是僧中法器豈不見倚松之
葛上聳千尋附託勝因方能廣益如此者豈可輕其
教法乎輕其知識乎若輕其知識卽輕其教法輕其

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

教法卽輕其佛祖輕其佛祖則自欺其心自欺其心
則反沉苦海矣嗚呼釋迦世尊向捨全身而求半偈
身爲牀座而求妙法不見行願品云剝皮爲紙折骨
爲筆刺血爲墨書寫經典積如須彌爲重法故不惜
身命何況王位國城妻子象馬七珍世尊重法旣如
此凡夫可輕其教法乎藥王菩薩將身爲燭而報佛
深恩常啼菩薩賣心肝而學般若神光斷臂衆請善
財泣血南求皆是爲法亡軀纔得了明大事圓覺經
云末世衆生欲修行者當求一切正知見人卽得成
就無上菩提智度論云於諸導師生世尊想若有能

開釋深義解散疑結於我有益則盡心恭敬不念餘
惡如弊囊盛寶不以囊惡故不取其實又如夜行險
道弊人執炬不以人惡故不取其照華嚴經云但於
能說佛法之人生難遭想應於自身生病苦想於善
知識生醫王想於所說法生良藥想於所修行生除
病想若聞一句一偈未曾有法勝得三千大千世界
滿中七寶及釋梵轉輪王位法華經云能說此經之
人應以如來供養而供養之應持天寶而以散之天
上寶聚應以奉獻所以者何是人歡喜說法須臾聞
之卽得究竟阿耨多羅三藐三菩提起信論云如木

中火性是火正因若無人知不假方便能自燒木者無有是處衆生亦爾雖有正因熏習之力若不遇諸佛菩薩經教及一切善知識開示能自成佛者無有是處不聞先德云生我者父母成我者師友豈不然哉要知大乘經典諸佛所師佛果菩提皆從中出觀經三種淨業并上品上生者皆言讀誦大乘解第一義能如是者決定往生何名大乘經卽華嚴法華般若涅槃楞嚴楞伽圓覺等經并觀無量壽佛等經及一切專談淨土等經修淨業人當受持讀誦如說修行問曰識字之人可行不識字者何爲答曰雖不識

字讀誦亦可印施流通再能頂禮皈依有日自然通曉不見善財一生證果龍女八歲成佛蓋因致力於多生豈能一朝成辦爾妙莊嚴王品云若善男子善女人種善根故世世得善知識其善知識能作佛事示教利喜令入阿耨多羅三藐三菩提諸大德當知善知識者是大因緣所以化導令得見佛豈小補哉今生不明佛理之人皆因前世輕慢佛法今世再不尊崇來生愈加愚困不見法華經云於千萬億劫不毀經教謗法師其罪過於罵佛可不慎歟若不信之聞佛名字亦不聞正法如是人難度苦哉苦哉若是

10 1 2 3 4 5 6 7 8 9 20

30

1

2

3

4

5

6

7

8

法師火宅二品中可見吾勸後之學者欲修無上苦提必須參禮明師聽從教法若遇盲師指示要超昇反沉墜矣可謂渡河湏用筏到岸不須船

孝養父母報恩文

三

蓮宗寶鑑云念佛乃諸法之要孝養爲百行之先孝心卽是佛心孝行無非佛行欲得道同諸佛先須孝養二親故贊禪師云孝之一字衆妙之門佛語以孝爲宗佛經以孝爲戒言中不昧口出戒光直下分明頓開心地夫孝者有在家之孝有出家之孝在家孝者父母愛之喜而不忘父母惡之勞而不怨承順顏

色以盡養生出家孝者割愛辭親食微契本深入無爲之理上酬罔極之恩趣解脫之要途報慈親之捷徑非但未來獲益亦於現世成功所以如來子夜踰城道圓雪嶺盧能白金遺母法繼黃梅然而以法斷恩應思報德是以迦維省父忉利寧親至於貧乏無依理令躬親給侍是故畢陵伽起盡心之戒忍大師有養母之堂陳睦州織屨供親朗法師荷擔遊學然則出家者以法味爲甘旨不忘反哺之心以佛事爲勤勞未遺世諦之禮非但一世父母而多生父母皆報不唯一身父母而法界父母皆度同登覺岸豈止

周公之配天普示逃津故逾考叔之純孝出家之孝其利博哉如或因緣未和父母不聽宜盡在家之孝勸修出世之因若能卽俗而真亦有成佛之路覲反嬰兒之行無虧膝下之嚴報雙親顧復之勞致一乘圓滿之地遂使在家菩薩行解無疑出俗高人因斯可鑑其有局於事佛不能盡於事親覩茲有感于中可以克全其孝嗚呼光陰易往父母難忘有親在堂如佛在世以此報親之德圓成念佛之功是知父母喜歡則諸佛喜歡此心清淨則佛土清淨可謂野色更無山隔斷天光直與水相連

行脚求師開示序

弟子宗本生于四明陳氏承感

四

雙親撫恤請師訓誨入學攻書父教師嚴頗通詩禮年十五時有族兄朽木處士因恙棄世屍臥空堂余經堂門而過乃見亡兄四大驚怖憂疑自歎曰世相非堅命如風燭無常忽到難躲難逃遂欲出家學道超脫輪迴不識修行路頭心中猶豫到於本境茶亭禮佛偶見一僧危然端坐余乃叩問是何大德僧曰吾是遊方禪和子也余見此說不勝喜悅遂卽迎請歸家具辦香齋供養飯食已訖拜問禪師弟子欲逃

10 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8

生死不知依何法修禪師問我是何姓名是何年紀宗本答曰弟子姓陳名靜修年十五歲也禪師讚歎曰年已幼而發心高世之希有陳善男子一心寂靜聽吾所說唯有徑路修行但念阿彌陀佛念阿彌陀佛焉得便超生死乎 禪師曰信憑佛說脫苦良方無如念佛若不念佛生死難逃 問曰念佛法門有何所出 答曰念佛法門非止一經一教之中所載蓋大千恒沙經卷之內無一不具念佛法門也若依此法而修決定往生淨土 問念佛有幾許功德可以往生淨土 答若人以四天下七寶供

養佛及菩薩緣覺聲聞等其福甚多不如勸人念佛一聲其福勝彼 問一聲佛名云何能勝 答佛國往生論云譬如有人初生墮地卽能一日行千里足一千年滿中七寶奉施於佛不如有人於後惡世能稱一聲阿彌陀佛其福過彼自念尚以如此何況勸人問佛德雖然如是凡夫罪業所多云何一世念佛便得往生淨土 答十六觀經云至心念南無阿彌陀佛一聲滅八十億劫生死重罪有人平生造五逆十惡臨終十念阿彌陀佛尚得往生况一世齋戒念佛乎 問阿彌陀佛何故有如是廣大功德廣大

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

行願 答大阿彌陀經云釋迦佛一日容顏異常侍
者阿難恠而問之佛言善哉汝所問者勝於供養一
天下聲聞緣覺及布施諸天人民以至蜎飛蠕動之
類雖至累劫猶百千萬億倍不及所問功德所以者
何以諸天帝王人民乃至蜎飛蠕動之類皆因汝所
問而得度脫以此觀之是釋迦佛初欲說阿彌陀佛
之時其存於心而形於色者已異於平日則阿彌陀
佛所以感諸佛者固已非常況於感一切衆生乎何
則觀其阿彌陀佛初發願云我至成佛時名聲超十
方人天欣得聞俱來生我刹地獄鬼畜生亦生我刹

中是則凡在三界六道輪迴之內者無所不度可知
矣阿彌陀佛現在西方極樂世界又在十方世界教
化無央數天人以至蜎飛蠕動之類蜎飛者謂微細
飛蟲也蠕動者謂微細蛆蟲也若此者佛尚化度况
於人乎阿彌陀佛又有願云若稱我名必生我國若
不爾者誓不作佛是以廣度衆生無有窮極而人一
念歸依遂生其國由此推之念佛功德實不可思議
也阿彌陀佛又云若有衆生欲生我國上品者須用
慈心不殺愛護含靈具諸戒行讀誦大乘解第一義
諦理深明供養三寶孝敬雙親悲憐貧苦教化有情

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

加持法食普施鬼神諸惡莫作衆善奉行若能如是
念佛者決定上品上生直至成佛其或力量未充且
自堅持齋戒一心念佛若能念念無間亦不在下品
生矣況此法門不揀賢愚不擇貴賤不在貧富不分
男女不問老幼不拘僧俗不論久近皆可念佛念佛
軌則亦以不拘或高聲念低聲念流水念頂禮念攝
心念參究念觀想念輪珠念行道念住立念靜坐念
側臥念默念明念千念萬念皆同一念唯要決定信
心求生淨土果能如是行持何用別尋知識可謂行
船盡在把梢人達者同登安養國 蜗 潤 威 軟 錄 切 七言

宗本問曰世間之人多說家緣縈絆世務纏身且待
老來然後念佛此等之言唯願釋之

禪師曰苦哉苦哉何等愚謬之言也豈不見死心禪
師云世間之人財寶如山妻妾滿室日夜歡樂他豈
不要長生在世爭奈前程有限暗裏相催符到便行
不容遲滯閻羅老子不順人情無常鬼王有何面目
且據諸人眼裏親見耳裏親聞前街後巷親情眷屬
朋友兄弟強壯後生死却多少豈不聞古人云莫待
老來方學道孤墳盡是少年人又云自從早年索妻
養子經營家計受盡萬千辛苦忽然三寸氣斷未免

9 10 1 2 3 4 5 6 7 8 9 20

30

1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9 30

一日皆休若是孝順兒孫齋得幾僧看得部經燒得
陌紙春三秋九做得枕羹飯哭得幾聲猶是記憶爺
娘若是不肖之子父母方死骨頭未冷作撻財產出
賣田園恣意作樂以此較之着甚麼急兒孫自有兒
孫福莫與兒孫作遠憂復引古德云冷笑富家翁營
生忙似箭圓內米生蟲庫中錢爛貫日裏把秤稱夜
間點燈笑形骸如傀儡莫教繩索斷死心如此苦口
勸人會許你且做世業待老來方念佛乎當思人生
在世能有幾時石火電光眨眼便過趁此未老無病
之前抖擻身心撥棄塵事得一日光景念一日佛名

得一時工夫修一時淨業由他臨命終時好死惡死
只要我之盤纏預辦了也我之前程穩穩當當了也
若不如此後悔難追思之思之且喜彌陀甚易念淨
土甚易生世人雖然難免營辦家緣亦須早晚焚香
念佛况此念佛法門人皆可以通行譬如千年暗室
一燈照之則爲明矣故雖殺牛屠馬之人放下屠刀
亦可以修所以修者不難亦不妨一切俗事在官者
不妨職業在士者不妨修讀在商賈不妨販賣在農
夫不妨耕種在婦人不妨女工在公門不妨事上在
僧徒不妨參禪凡一切所爲皆不相妨或在晨昏禮

10 1 2 3 4 5 6 7 8 9 20 1 2 3 4 5 6 7 8 9 30 1

念或在忙裏偷閑每日或念千聲百聲或念三五百聲或念十聲唯要回向發願願往西方誠能如是決定往生矣陳善男子你若齋戒精嚴一心念佛不生淨土者某甲當墮拔舌地獄我見禪師發誓深重是則驚駭跪拜蒙感開示念佛法門也

禪師曰若言淨土教門億劫之中說不能盡是以略舉數言耳古德云上士一決一切了中下多聞多不信誠哉是言也夫真信修行之士要生西方淨土不是說了便休須是把做一件大事相似若是信得及便從今日去發大勇猛發大精進莫問會與不會見

性不見性但只執持一句南無阿彌陀佛如靠著一座須彌山搖撼不動只此一念是汝本師只此一念即是化佛只此一念是破地獄之猛將只此一念是斬羣邪之寶劍只此一念是開黑暗之明燈只此一念是渡苦海之大船只此一念是脫生死之良方只此一念是出三界之徑路只此一念是本性彌陀只此一念是唯心淨土但只要記得這一句阿彌陀佛在念莫教失落念念常現前念念不離心無事也如是念有事也如是念安樂也如是念病苦也如是念生也如是念死也如是念如是一念分明又何必問

10 1 2 3 4 5 6 7 8 9 20

30

1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9 30

人覓歸程乎可謂一句彌陀無別念不勞彈指到西方

禪師丁寧再告曰陳善男子今將十法界之法付囑於汝汝將此法亦以開示後人精進修行同成

佛果宗本答曰用廣發揮於後世庶幾有補於將來

禪師曰善哉善哉十法界者佛法界菩薩法界緣覺

法界聲聞法界天法界人法界修羅法界餓鬼法界

畜生法界地獄法界夫十法界者一心具足隨造隨

受據你所作因還你所作果是以善行惡行世間之

因也三界六道世間之果也持戒念佛出世間之因

也淨土成佛出世間之果也人天路上作福爲先生

死海中念佛第一今有欲快樂人天而不修福欲出離生死而不念佛是猶鳥無翼而欲飛木無根而欲茂奚可得哉要將念佛爲正因作福爲助道福慧雙修成等正覺所以因該果海果徹因源因果無差始終不昧何以故形直影端聲和響順應知因實果則不虛如今是因臨終是果作惡而惡境現前念佛而佛界自至豈不見華嚴經云若人欲了知三世一切佛應觀法界性一切唯心造是也宗本問曰依何法修得到佛法界 禪師曰當知六道衆生皆有佛性真如平等一體同觀如諸佛想如父母想無間寃

10 1 2 3 4 5 6 7 8 9 20 1 2 3 4 5 6 7 8 9 30 1

親悉皆濟度盡未來際行普賢行能依此法而修卽與諸佛齊等。問依何法修得到菩薩法界。答布施度慳貪持戒度毀犯忍辱度瞋恚精進度懈怠禪定度昏散智慧度愚癡能依此法而修卽與菩薩同等。問依何法修只到緣覺法界。答中乘之人樂獨善寂雖知諸法因緣不行普度是以只到緣覺法界。問依何法修只到聲聞法界。答小乘之人怕怖生死如獐獨跳不顧後羣欲速出三界自求涅槃是以只到聲聞法界。問依何法修正生天道。答修十善業得生天法界。問依何法修復得人倫。

答五戒堅持得生人法界。問造何罪業墮落修羅答若人雖修善業常懷勝負瞋慢之心墮在修羅法界。問造何惡業墮落餓鬼。答慳貪不捨羣衆獨食墮在餓鬼法界。問造何惡業墮落畜生。答造作愚癡邪惡之業決墮畜生法界。問造何惡業墮落地獄。答毀謗三寶造作衆惡定墮地獄法界。此上十法界者蓋隨人所作所修宗本頂禮謝師曰若非宿生慶幸焉得遇於明師開示也禪師告辭而又曰汝若有疑未決可看蓮宗寶鑑淨土指歸龍舒淨土文萬善同歸集智者大師十疑論天如則法師

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

或問神棲安養賦淨土決疑論凡所讚揚淨土經教者皆可看之宗本曰恭稟師命信受奉行○出家叅學事理文長不錄

開示叅禪龜鏡文

學道之門別無奇特洗滌根塵以悟爲則諸五者欲修無上菩提必用堅持齋戒戒行若不嚴持菩提終不成就何以故戒爲萬行之先鋒六度之基趾如造屋宅先固其基若無基址徒架虛空夫戒者大乘三聚戒也攝律儀戒無惡不斷卽諸惡莫作也攝善法戒無善不積卽衆善奉行也饒益有情戒無生不度

卽普度衆生也此三聚戒者是菩薩成佛之戒也若人具此三戒方可修禪不發此心叅禪何益不見梵網經云衆生受佛戒卽入諸佛位豈不然哉佛祖云戒能生定定能發慧慧則明心明心見性見性成佛成佛作祖者莫不由斯戒也○夫叅禪一事極是向上玄機不是等閒小可須當發大勇猛發大精進亦要息慮忘緣收視反聽將平時好惡知見憎愛是非盡情掃蕩如利刀斬一握絲一斬一切斷亦如斬纜放船徑望前去亦如一人與萬人鬪戰不容眨眼那可遲疑果能發此決烈之志纔有叅禪氣象既有叅

禪氣象執持一句南無阿彌陀佛如靠一座須彌山
相似震撼不動專其心一其意或念三聲五聲回光
自看云問著念佛底是誰○叅要見這一念從何處
起良久覲破這一念疑上又加疑又問念佛底是
誰畢竟是誰到這裏緊顧繩頭不得放捨如見生死
冤家扭著就要了當不容擬議不待商量如此叅禪
尅期取辦○未能如是更聽饒舌刺語夫叅究下工
之法如人墮在千尺井底朝思想暮思量單單只用
求出之心再無異念又如失了要緊物事相似朝也
尋暮也尋橫也尋豎也尋尋之不見細想沉吟亦猶
猫捕鼠內外一如亦如過獨木橋愈加仔細若也如
此用心昏散自然而退行住坐臥如護嬰兒不可卒
暴所以探珠宜浪靜動水取應難定水澄清心珠自
現古人云開池不待月池成月自來故圓覺經云無
礙清淨慧皆依禪定生果能如是行持工夫定得入
手縱得禪定現前不可住在枯定須叅大事了明圓
最深直須坐究探淵源始得見性識天真正所謂百
尺竿頭更進一步直待懸崖撒手絕後再甦方可謂
之了事人雖決此一則又有一則疑或有話頭提起

提不起分明不分明得力不得力輕安不輕安此等得失有無盡不可著但存參究之意即是工夫決了此一則又有一則疑或有好境現前不要歡喜恐喜魔入心或有惡境現前不要煩惱恐煩惱魔入心要知此等境界非是外來皆是昏沉所生或是業識所感凡有眼見耳聞者盡是虛妄俱不要著精進做去古德云汝之伎倆有盡我之不采無窮真是色身上有病者這箇不可強爲急須禮佛懺悔念佛消遣過時病源脫體然後又參若智慧之人亦可參究要知四大本空五蘊非有病從何來是誰受病果能如是覺照亦有發明之時此則雖決了又有一則疑倘有見解聰明現前切莫認著急須掃過若也住在知見境界埋沒本來面目先德云佛法不是鮮魚那怕爛却如剝芭蕉相似剝一層又一層剝一層又一層直要剝到無下手處纔得打成一片然後著衣喫飯屙屎放尿一動一靜一語一默無不是一箇阿彌陀佛自此心花燦發洞照十方如果日麗天明鏡當臺不越一念頓成正覺非惟明此一大事從上若佛若祖一切差別因緣悉皆透頂透底佛法世法無不明了雖到這般田地亦未可住著須求證悟作家投

10.1 2 3 4 5 6 7 8 9 20.1

30.1

30.1

機印可印可之後聖凡不立取捨兩忘說甚麼天堂
地獄分甚麼南北東西徧法界是箇自己彌陀盡虛
空是箇唯心淨土便可以一毫端上現寶王刹坐微
塵裏轉大法輪接引未來扶持末運如斯禪者方是
出格丈夫超羣烈漢○如或未然且仗彼佛願力求
生淨土何則恐怕臨終陰境現前手忙腳亂此時作
不得張主不免又逐業緣去也還要確實念佛福慧
兼修送想樂邦一心待盡可謂雖然舊閣閑田地一
度贏來方始休○嗟乎去聖時遙源流益別近有一
等泛泛之流智眼又不明淨土又不信錯會祖師機
語謬談聖意施爲不知參究一心一向著於四大今
日兩明日三教人扭捏做作顛蹶奔馳定慧不得現
前遂致反成狂妄虛消信施孤負已靈輪轉三塗受
諸苦楚只爲打頭不遇作家到老翻成骨董此等盲
修瞎煉之徒縱然妄到彌勒下生亦無出頭日子正
所謂無禪無淨土鑄床并銅柱萬劫與千生沒箇人
依怙苦哉苦哉勸戒後學高賢切宜仔細我今分明
說破說破又被人憎智者知是醍醐逃者反成毒藥
若也差之毫厘失之千里嗚呼天晴日頭出雨下地
上濕盡情都說破只恐信不及珍重

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

禪宗淨土難易說

或問曰世間有人別執公案使人做作工夫只期參禪悟道不願往生淨土此法何如答曰利根上智之人可以真參實悟略有差訛便成大錯曰何以知其爲錯曰錯處在於未悟依舊展轉輪迴不若持誦修行必得徑生淨土善知識非不教汝參禪唯恐你不念佛何以故參禪悟道者難念佛往生者易汝不聞古德云參禪要了生死百無二三念佛求生淨土萬不失一正所謂有禪無淨土十人九錯路豈不然乎況以參禪不礙念佛念佛不礙參禪禪宗淨土易

難今曰分門直指法門固有八萬四千總不如一句阿彌陀佛公案雖有一千七百亦不如一句阿彌陀佛何則阿彌陀佛教門有頓有漸有理有迹上根智人直下承當見性成佛中下之流未能頓超者仗彼佛力亦得往生是以念佛教門勝過一切教門也其餘公案功德要及念佛公案功德百分不及一百千萬億分亦不及一何以故若是功德同等十方三世諸佛不應讚歎阿彌陀佛恒沙經典之中不應指歸西方淨土豈不聞歷代祖師箇箇念佛古今名賢人人念佛僧俗男女悉皆念佛若是法門平等何不別

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

舉法門哉汝且觀於世人開口發聲必先念阿彌陀佛何也要知阿彌陀佛願力無邊是以獨稱獨舉也不見讚佛偈云十方三世佛阿彌陀第一四十八願度衆生九品咸令登彼岸由此推之念佛公案實是超過一切公案也我今再說九十六種外道俱爲生死修行只是不得解脫何也皆因遇著盲師將正法作邪法解佛法作魔法說似此錯賺者多矣自賺猶可又賺他人正所謂一盲引衆盲相牽落火坑也○昔日如來告日連言譬如萬川長流有浮草木前不顧後後不顧前都會大海世間亦爾雖有豪貴富樂

自在悉不得免生老病死祇由不信佛經不能得生千佛國土是故我說阿彌陀佛國土易往易取而人不能修行往生反事九十六種邪道我說是人名無眼人名無耳人○且如往生錄內高僧傳中賢愚並生今古皆爾盡拋穢土俱趣淨方孕七寶池捨胞胎皆超凡入聖得道證真不歷三祇便成佛道豈非佛力難思也若欲永超生死輪廻得涅槃樂者無出往生法門矣何以故娑婆濁境衆苦集而求道難成淨土樂邦諸善聚而位登不退稱名號者諸佛護念而往生發菩提者彌陀光照而增進菩薩羅漢與其同

9 10 1 2 3 4 5 6 7 8 9 20 1 2 3 4 5 6 7 8 9 30 1

儔水鳥樹林悉皆念佛耳畔常聞妙法心中頓絕貪瞋快樂無窮壽量何極一生彼土便獲阿惟豈比人天道中觸目多諸違順權乘路上善根希有周圓地前三賢尚未見道而失念舍利六住猶遇惡緣而退心所以法華會上退席者五千寶積經中失道者猶衆觀佛世尚爾何今時不然知三乘之士歷僧祇劫而功行無成念佛之門於彈指頃而位階不退是以生淨土者有進無退決定成佛故彌陀經云極樂國土衆生生者皆是阿鞞跋致阿鞞跋致者不退轉地是也嗟乎初心信淺非他力難以進修我佛願深

但有緣悉皆攝受諸仁者從上佛祖立教開示念佛法門何況今之禪流不信往生淨土凡修淨土者不礙於參禪何參禪者乃薄淨土而不修也

辨明邪正決疑文

七

明教大師曰能仁之垂教也必以禪爲宗而佛爲祖祖者乃其教之大範宗者乃其教之大統大統不明則天下不得一其所詣大範不正則天下不得質其所證夫古今之學佛者競以各立門庭是非相勝蓋由宗不明祖不正而爲患也嗟乎近世有等邪師造成魔外妖言倚號寶林法論 偽撰真宗妙義

10.1 2 3 4 5 6 7 8 9 20.1

30.1

1

經僭稱無上法寶惑得後人十錯九訛使得迷流七
顛八倒不識本來清淨法身一向著於膿血皮袋盡
將夢境印證工夫反謗參禪念佛皆是小乘布施結
緣亦是濁福教人佛不用禮香不用燒戒不用持經
不用誦自此邪解佛言妄談聖意說道嬌慾不礙菩
提殺益無妨般若混吾教中遞相傳習不守清規壞
亂正法此是妖精鬼怪夜聚曉散假稱官法堂堂佛
法隱藏宜用吹滅燈燭暗傳妙法汝等依我行持七
日見性悟道又教入社弟子罰誓寫疏印合天條燒
上天廷方得成佛此是絕妙好事不許外人得知若

也泄漏天機汝等定墮此願再着幾人屋後門前巡
風打擣恐怕有人隔壁視聽宜用謹防嗚呼何勞如
此若是真正佛法鐘鼓陞堂雲集大眾敷座演揚明
白開示豈有隱藏之理也唯恐傳之不廣豈怕人得
知也因是事魔之徒故以瞞人瞞已也年復年來多
有此樣扇動人家清信男女不覺不知鼓入魔道吁
賺却路頭猶可恕又妄說六祖云寧度白衣千千萬
不度空門半箇僧如斯之輩非特惑於後人是亦誣
於先聖豈不聞永嘉云第一迦葉首傳燈二十八代
西天記入此土菩提達磨爲初祖六代傳衣天下聞

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

後人得道無窮數又豈有度白衣而不度空門乎此言實是謗三寶壞宗風行其邪犯其禁一朝事露天理難容生遭王法死墮阿鼻千佛出世不通懺悔何以故阿鼻地獄罪畢復墮諸地獄中受得地獄業消復入畜生餓鬼展轉受苦無有休息正所謂欲得不招無間業莫謗如來正法輪豈不見古聖道見一魔事如萬箭攢心聞一魔聲如千錐劄耳速須遠離不可見聞各自究心慎莫容易諸仁者此等邪魔只爲宿薰業種生遇邪師善力易消惡根難拔況此眷屬世之甚多今以略舉幾種破汝等疑○又有邪師妄

稱達磨正教令人看箇佛無二字呼吸運用又教努力高提逼氣衝頂胡說笊籬之法勇猛加功此等之人皆是邪見異道縱經塵劫不出輪迴○又有邪師說道丹田是極樂國土又是諸佛安宅令人觀照扭捏做作般精運氣透過三關言稱返本還源見性成佛聽得肚中一響又言六種震動師子作吼此等之人年老成魔永沉鬼窟○又有邪師不識大聖洪名不知念佛功德謬說坎男離女水火既濟妄將南無阿彌陀佛六字分開六種邪解誑惑迷人輕慢大聖罪同割截肢體出佛身血此等之人師及弟子俱入

9 10 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8

地獄○又有邪師說道頓悟法門令人不用念佛爲辨陰陽之理脫衣仰臥觀空又言夾脊雙關指名曹谿一派教人縮腳運氣妄稱發大慧光如此做作施爲盡是鬼家活計不知諸佛皆是積功累德而成豈可著空便成佛道佛法猶爲塵障豈可存得陰陽此等之人與魔作伴永劫沉淪○又有邪師妄傳一百八字號曰百八摩尼徧身肢節安名上下左右表法令人轉過一遍便當一叅工夫雖拜日月北斗亦不嚴整衣冠或裸露身形或輕衣唐突不敬祖宗父母障人供佛齋僧反說泥佛不能度水木佛不能度火

金銀銅像亦不能度爐經自葛藤不消讀誦自此輕佛慢法胡亂施爲須是人人丹霞方許燒佛箇箇百丈方可道無其或未然入地獄如箭○又有邪師爲設種種多法妄指性命雙修又稱大道金丹欺誑世間男女不識真參實悟一向鬼怪行持將一年十二箇月按作十二度工夫將眼耳鼻舌身意按作諸佛菩薩將皮肉血脈骨節按作八部天龍耳邊忽聞有聲表作聲聞羅漢果位眼前忽見昏魔表作描畫不成境界或見金沙布地或見千葉寶蓮或見樓臺殿閣或見獅子象王或見龍吟虎嘯或見日月並明或

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

見十方諸佛或見百億化身自號釋迦彌勒僧稱無上法王此等之人永墮地獄無有出期○又有邪師或習成幻術或靜坐暗想年深日久自有一般精靈鬼怪入其心腑此人善能談論便言我得五眼六通我知過去未來妄說人間吉凶禍福今日某人來明日某事至見有災禍人家詐稱坐斷貪求財利又言我是某佛轉世特來救度汝等汝等不必堅持齋戒不用再禮別師但能供養得我教你自然成佛有等愚癡男女信入骨髓望風歸附自此作隊成羣私行邪事此等之人永作魔家眷屬長爲地獄種子不見

楞嚴經云修行之人若不斷婬殺盜妄而欲得道者猶如蒸砂作飯經無量劫終不能成諸仁者若看楞嚴經盡識一切邪魔外道○復有盲師雖教人念阿彌陀佛佛祖大理不明一向胡說亂道不識指歸淨土不發正願往生只貪來世富貴豈知富貴有期福盡依舊輪廻多劫漂流惡道此等之人可悲可痛哀哉苦哉○復有盲師不付念佛公案開堂集眾坐禪參究路頭不識便言幾地工夫今日也說禪說道明日也說禪說道今日身子重昨日身子輕或逼得氣喘而言精進或吐得痰血而當去塵或昏沉死坐而

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

言禪定或顛蹶步跳而當發揚或眼中見佛圓遠說法或耳聞音樂任意逍遙此等之人虛延歲月孤負已靈永受輪廻無由解脫噫參禪學道本是醍醐遇斯等人翻成毒藥豈不聞歷代祖師直指心宗見性成佛迷人不知自心是佛可悲也哉諸佛祖師但爲衆生根有利鈍悟有遲疾所以種種方便譬喻說法世人不悟將如之何却被勞塵所縛縛入輪廻去也那時懊悔遲則遲矣吾勸學道之者若不能頓悟且把一句南無阿彌陀佛常憶常念常覺常照何以故此時縱然未晤命終上品往生既得往生何愁不悟

行業清淨自得勝報何必要立誓願然後得之且如田家得穀豈復待願耶答曰作福無願無所標立願爲道御能有所成如佛所說若人修少福少戒不知解脫正因聞說人天之樂心常願樂命終之後各生其中此皆願力所致菩薩求生淨土在乎志願堅強然後得之又云雖修少福有願力故得大果報大莊嚴論云佛國大事獨行功德不能成就要須願力資助方得往生隨願見佛阿彌陀經云若有信者應當發願願生彼國華嚴行願品云是人臨命終時最後剎那一切諸根悉皆散壞一切親屬悉皆捨離一切

9 10 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8

威勢悉皆退失乃至象馬車乘珍寶伏藏如是一切無復相隨唯此願王不相捨離於一切時引導其前一剎那中卽得往生極樂世界由此推之宜當時時發願樂慕往生日日禱祈勿令退失故云法門廣大無願不從是以佛隨人之心滿人之願也○嗟乎備觀今時信人歸投佛會或爲病苦而發心或爲報親而舉意或爲保扶家宅或爲怖罪持齋雖有信心而無行願雖云念佛不達本根凡修善緣皆爲了還心願罕有爲自己生死發願念佛求生淨土者往往香燭道場祝願回向之辭皆是表獻神明消災延壽而

已故與經懺本意相違不合諸佛本願縱使一生修誦不明理趣錯用工夫是謂終日數他寶自無半錢分也臨終所以不得往生淨土者蓋無行願故也○又有一等癡人投佛受戒乃於三寶前焚香誓願云我若破戒甘當惡病纏身永墮地獄或言左眼出血右眼出膿自肯自甘自願受報多見有口無心破齋犯戒殃禍及身受諸惡報或現世遭王法官司或死去墮三塗地獄嗚呼殊不知佛祖興慈運悲何嘗教人如此皆是邪師過謬錯將罰咒以爲發願耳何惑之甚哉余嘗愍念勸令同發正願求生淨土願同作

9 10 1 2 3 4 5 6 7 8 9 20

30

1

2

3 4 5 6 7 8

佛彼則曰我是凡夫豈敢望生淨土要做佛耶我有此心又成妄想余應之曰不然善知識佛是覺也淨土是心也此心誰不有之覺則佛也迷則衆生也世人皆覺合塵輪迴三界四生六塵爲實有隨他困境日夜流轉未嘗暫省回光齊戒念佛從生至老唯憂家緣不辨財不稱心愈多愈求愈貪不足雖曰積善奉佛禮拜作福燒香只願富貴榮華長生不死纔做些小好事便有伏願數般要保穀米盈倉蠶絲倍萬子孫光顯牛馬孳生纔有一不如意便怨佛不保全日

日財喜增添始道天龍感應如此貪謀正是妄想却言念佛求生淨土之說作妄想者豈不大顛倒乎凡曰作福盡屬有爲益世間有漏之因非出世無爲之道修行佛子宜善思惟今日有緣得逢佛法當湏究本莫競枝條一念回光修出世法願捨娑婆願生淨土亦如久客在於他鄉思欲歸于故里也此願生淨土願作佛之心豈可比同凡夫妄想哉不見懺中云願我臨欲命終時盡除一切諸障礙面見彼佛阿彌陀卽得往生安樂刹者是也可謂一朝踏著來時路始覺從前錯用心

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

慈照宗主示念佛人發願偈并序 九

彌陀節要云念佛之人最急一事不善相應何以故雖云持戒念佛不會發心願生淨土皆是埋頭過日自失善利大凡念佛先要發心欲超生死往生淨土須以大願自爲主意常須念佛早晚專心禮拜彌陀如朝帝主兩不失時日近日親心口與佛相應去佛不遠口念心想心願見佛發深重願決信無疑日久歲深工夫純熟自然三昧成就臨命終時彌陀接引淨土現前更願現生之內常遇善知識不值邪見師無惑我心不生懈怠若也如此念佛深信發願是信

行願三不虧也臨終見佛卽非外來盡是唯心顯現猶如種子在地逢春發生豈是外來皆從地出也今之修行亦爾念佛信願納在八識心地臨終發現淨土彌陀卽非外來皆從自心出也偈云

萬法從心生萬法從心滅我佛大沙門常作如是說持戒無信願不得生淨土唯得人天福福盡受輪迴展轉難脫離看經無慧眼不識佛深意後世得聰明亂心難出離不如念佛好現世無名利行坐不多羅則是阿彌陀發願持戒力回向生樂國正是合行持千中不失一釋迦金口說彌陀親攝受諸佛皆護念

9 10 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8

諸天善護持見此念佛人與佛不相遠應當坐道場轉于大法輪普度無邊衆譬如貧家女腹孕轉輪王諸天常愛護貧女自不知腹中有貴子今此念佛人其意亦如是憶佛常念佛不久當成佛諸佛善護持其人自不知我當生淨土却要來後世再得生人中譬如貧人家地內有伏藏藏神常守護不令其有失貧人自不知家內有寶藏逐日趁客作求衣食自濟今此念佛人其意亦如是不知念佛人具足如來藏自說我無分反要生人中譬如病人家自有真妙藥不知妙藥性不能自治病每日床枕邊痛苦受無量

今此念佛人其意亦如是不知念佛心能滅貪瞋病能爲大醫王能爲大寶藏利濟一切人能爲大法王覆護一切衆將爲是凡夫不得生淨土且自持齋戒後世願爲人展轉更修行方可生彼國多見修行人常作如是說不稱彌陀願不合淨土經邪見障覆心畢竟難出離非是他人障皆是自障心今世不得生一蹉是百蹉勸汝修行人信我如來說佛無不實語豈是虛誑言但當自精勤一心求淨土因風吹於火用力不消多幸有念佛心回願超三界逢寶不取寶遇食受饑寒咄哉大丈夫不見真實義我今略勸讚

9 10 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8

展轉傳與人代我廣流通作於如來使真是諸佛子
真名報佛恩普願如說行同生極樂國

天台智者大師勸人專修淨土

十

設問曰諸佛菩薩以大悲爲業若欲救度衆生祇應
願生三界於五濁三塗中救苦衆生因何求生淨土
自安其身捨離衆生則是無大慈悲專爲自利障菩
提道○答曰菩薩有二種一者久修行菩薩道得無
生忍者實當斯責二者未得已還及初發心凡夫凡
夫菩薩者要須常不離佛忍力成就方堪處三界內
於惡世中救苦衆生故智度論云具縛凡夫有大悲

心願生惡世救苦衆生者無有是處何以故惡世界
煩惱強自無忍力心隨境轉聲色所縛自墮三塗焉
能救衆生假令得生人中聖道難得或因持戒修福
得生人中得作國王大臣富貴自在縱遇善知識不
肯信用貪迷放逸廣造衆罪乘此惡業一入三塗經
無量劫從地獄出受貧賤身若不逢善知識還墮地
獄如此輪迴至於今日人人皆如是此名難行道也
故維摩經云自疾不能救而能救諸病人無有是處
又智度論云譬如二人各有親屬爲水所溺一人情
急直入水救爲無方便力故彼此俱沒一人有方便

9 10 1 2 3 4 5 6 7 8 9 20 1 2 3 4 5 6 7 8 9 30 1

往取船筏乘之救接悉皆得脫水溺之難新發意菩薩亦復如是未得忍力不能救衆生爲此常須近佛得無生忍已方能救衆生如得船者又論云譬如嬰兒不得離母或墮坑井渴乳而死又如鳥子翅羽未成祇得依樹附枝不能遠去翅翮成就方能飛空自在無礙凡夫無力唯得專念阿彌陀佛使成三昧以業成故臨終斂念得生決定不疑見彌陀佛證無生忍已還來三界乘無生忍船救苦衆生廣施佛事任意自在故論云遊戲地獄行者生彼國已得無生忍還入生死國中教化地獄救苦衆生以是因緣宜用

專修淨土求願往生諸仁者願識其教故十住婆沙論名易行道也

永明壽禪師戒無證悟人勿輕淨土 十一

或問曰但見性悟道便超生死何用繫念彼佛求生他方○答曰真修行人應自審察如人飲水冷暖自知今存龜鑑以破多惑諸仁者當觀自己行解實得見性悟道受如來記紹祖師位能如馬鳴龍樹否得無礙辯才證法華三昧能如天台智者否宗說皆通行解兼修能如忠國師否此諸大士皆明垂言教深勸往生蓋是自利利他豈肯悞人自悞况大雄讚歎

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

金口丁寧希從昔賢恭稟佛勅定不謬誤也仍往生
傳所載古今高士事迹顯著非一宜勤觀覽以自照
知又當自度臨命終時生死去住定得自在否自無
始以來惡業重障定不現前否此一報身定脫輪迴
否三塗惡道異類中行出沒自由定無苦惱否天上
人間十方世界隨意寄託定無滯礙否若其未也莫
以一時貢高却致永劫沉淪自失善利將復尤誰鳴
呼哀哉何嗟及矣○四科揀云一曰有禪無淨土十
人九錯路陰境若現前瞥爾隨他去謂單明理性不
願往生流轉娑婆則有退墮之患陰境者於禪定中

陰魔發現也如楞嚴經所明於五陰境起五十種魔
事其人初不覺知魔著亦言自得無上涅槃迷惑無
知墮無間獄者是也二曰無禪有淨土萬修萬人去
但得見彌陀何愁不開悟謂未明理性但願往生乘
佛力故決定無疑三曰有禪有淨土猶如戴角虎現
世爲人師來生作佛祖旣深達佛法故可爲人天師
又發願往生速登不退可謂腰纏十萬貫騎鶴上楊
州四曰無禪無淨土錢床并銅柱萬劫與千生沒箇
人依怙旣不明佛理又不願往生永劫沉淪何由出
離諸仁者欲超生死速證菩提於此四種擇善行之

10 1 2 3 4 5 6 7 8 9 20 1 2 3 4 5 6 7 8 9 30 1

長蘆賡禪師勸參禪人兼修淨土

十二

夫以念爲念以生爲生者常見之所失也以無念爲無念以無生爲無生者邪見之所惑也念而無念生而無生者第一義諦也是以實際理地不受一塵則上無諸佛之可念下無淨土之可生佛事門中不捨一法則總攝諸根蓋有念佛三昧還源要術示開往生一門所以終日念佛而不乖於無念熾然往生而不乖於無生故能凡聖各住自位而感應道交東西不相往來而神遷淨域故經云若人聞說阿彌陀佛執持名號乃至是人終時心不顛倒卽得往生阿彌

陀佛極樂國土嗟乎淺信之人橫生疑謗則不信諸佛誠言不信往生淨土豈不甚迷哉若信佛言而生淨土者則累繫之業不能絆劫燒之火不能焚謝人間之八苦無天上之五衰尚無惡道之名何況有實經云彼國衆生無有衆苦但受諸樂故名極樂今以娑婆對而比之此則血肉形軀有生皆苦彼則蓮華化生無生苦也此則時序代謝衰老日侵彼則寒暑不遷無老苦也此則四大難調多生病患彼則化體香潔無病苦也此則七十者希無常迅速彼則壽命無量無死苦也此則親情愛戀有愛必離彼無父母

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

妻子無愛別離苦也此則仇敵冤讐有冤必會彼則上善聚會無冤憎會苦也此或困苦饑寒貪求不足彼皆衣食珍寶受用現成此或醜穢形骸根多缺漏彼則端嚴相貌體有光明此則輪轉生死彼則永證無生此則丘陵坑坎荆棘爲林土石諸山穢惡充滿彼則黃金爲地寶樹叅天樓聳七珍華敷四色此則雙林已滅龍華未來彼則阿彌陀佛現在說法此則觀音勢至徒仰嘉名彼則與二上人親爲勝友此則羣魔外道惱亂正修彼則佛化一統魔外絕蹤此則媚色妖嬈迷惑行者彼則正報清淨實無女人此則

惡獸魑魅交扇邪聲彼則水鳥樹林咸宣妙法二十
較量境緣迥別而樂邦之勝其數無窮未暇悉舉也
是以了義大乘無不指歸淨土前賢後聖自他皆願
往生凡欲度人先須自念佛也嗚呼人無遠慮必有
近憂一失人身萬劫難復故率大海衆各念阿彌陀
佛百聲千聲乃至萬聲回向同緣願生彼國切冀蓮
池勝會金地法明綺互相資必諧斯願操舟順水更
加艤棹之功則十萬遙不勞而至矣

元祐四年冬宗頤夜夢一男子烏巾白衣可三十
許風貌清美舉措閑雅揖謂宗頤曰欲入公彌陀

9 10 1 2 3 4 5 6 7 8 9 20

30

1 2 3 4 5 6 7 8

會告書一名宗曠乃取蓮華勝會錄秉筆問曰公何名曰普慧宗曠書已白衣者又云家兄亦告上名宗曠問曰令兄何名云普賢言訖遂隱宗曠覺而詢諸耆宿皆云華嚴離世間品有二大菩薩名宗曠以爲佛子行佛事助佛揚化必有賢聖幽贊然則預此會者豈小緣哉今將二大菩薩爲此會首嗚呼淨土一法大聖尊崇叅禪凡流豈宜輕忽龍舒王居士勸人徑修淨土世有專於叅禪者只說唯心淨土豈復更有淨土自性阿彌不必更見阿彌皆失之矣何則此言甚高切

十三

恐不易到彼西方淨土無貪無戀無瞋無癡吾心能無貪無戀無瞋無癡乎彼西方淨土思衣得衣思食得食欲靜則靜欲去則去吾思衣而無衣則寒惱其心思食而無食則饑惱其心欲靜而不得靜則羣動惱其心欲去而不得去則繫累惱其心是所謂唯心淨土者誠不易到也彼阿彌陀佛福慧具足神通廣大變地獄爲蓮華易於反掌觀無盡之世界俱在目前吾之障重恐墮地獄況能變作蓮華乎隔壁之事猶不能見况能見無盡世界乎是所謂自性阿彌者誠不易到也今之叅禪之人烏得忽淨土而不修捨

9 10 1 2 3 4 5 6 7 8 9 20 1 2 3 4 5 6 7 8 9 10 1 2 3 4 5 6 7 8

阿彌而不欲見乎大阿彌陀經云十方有無量菩薩往生阿彌陀佛國彼菩薩尚欲往生我何人哉不欲生彼是果勝於諸菩薩乎由此言之唯心淨土自性彌陀者大而不要高而不切修未到者誤人多矣略舉數條以爲證之青草堂後身曾魯公詰老後身多憂苦古老後身耽富貴法華尼後身作官妓皆是不信西方展轉輪廻受苦此等若修西方決定上品上生祇因不信反成弊矣不若脚踏實地持誦修行則得徑生淨土直脫輪廻與虛言無實者天地相遠矣○或曰參禪固難見性學仙何如答曰不修淨土而

欲學仙是捨目前之美玉而求不可必得之砾石豈不惑哉何則按楞嚴經云有十種仙皆壽千萬載數盡復入輪廻爲不會了得真性故與六道衆生同名七趣是皆輪廻中人也世人學仙者萬不得一縱使得之亦不免輪廻爲著於形神而不能捨去也且形神者乃真性中所現之妄想非爲真實故寒山詩云饒汝得仙人恰似守屍鬼非若佛家之生死自如而無所拘也近自數百年來得仙者唯鍾離呂公而學鍾離呂公者豈止千萬自予親知間終亦不少終皆死亡埋于下土是平生空費心力終無所益也豈不

10.1 2 3 4 5 6 7 8 9 20

30

1

2

3 4 5 6 7 8

聞洞賓飛劍斬黃龍却被黃龍降伏及見黃龍禪師方悟真性了道遂說一偈云棄却瓢囊擊碎琴如今不戀汞中金自從一見黃龍後始覺從前錯用心是也又不聞後魏鸞法師初自陶隱居得仙經十卷鸞欣然自得以爲神仙必可致也後遇僧菩提留支問云佛道有長生乎能却老爲不死乎支云長生不死吾佛道也遂以十六觀經與之云汝可誦此則三界無復生六道無往盈虛消息禍福成敗無復得而至其爲壽也有劫石焉有河沙焉沙石之數有限壽量之數無窮此吾金仙氏之長生也鸞深信之遂焚

仙經而專修觀經雖寒暑之變疾病之來亦不懈怠魏主憐其志尚又嘉其自行化他流傳甚廣號爲神鸞一日告弟子云地獄諸苦不可以不懼九品淨業不可以不修因令弟子高聲念阿彌陀佛鸞西向閉目叩頭而亡是時僧俗同聞管絃絲竹之聲從西而來良久乃止由此觀之淨土法門最爲捷徑况神仙門唯恐傳之不廣直欲度盡衆生而後已是其慈悲廣大不易測量非神仙之可比也

丞相鄭清之勸修淨土文

十四

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

人皆謂修淨土不如禪教律余獨謂禪教律法門莫如修淨土夫真淨明妙虛徹靈通凡在智愚皆具此性根塵幻境相與淪胥生死輪廻窮劫不斷故釋氏以禪教律假設方便使之從門而入俱得超悟唯阿彌陀佛獨出一門曰修行淨土如單方治病簡要直截一念之專卽到彼岸不問縕臼皆可奉行但知爲化愚俗淺近之說其實則成佛道捷徑之途今之學佛者不過禪教律究竟圓頓莫如禪非利根上器神領意解者則未免墮頑空之失研究三乘莫如教非得魚忘筌因指見月者則未免鑽故紙之病護善遮

惡莫如律非身心清淨表裏一如則未免自纏縛之苦總而觀之論其所入則禪教律要其所歸則戒定慧不由禪教律而得戒定慧者其唯淨土之一門乎方念佛時口誦心惟諸惡莫作豈非戒繫念淨境幻塵俱滅豈非定念實無念心華湛然豈非慧人能屏除萬慮一意西方則不施棒喝而悟圓頓機不閱大藏經而得正法眼不持四威儀中而得大自在不垢不淨無縛無脫當是時也孰爲戒定慧孰爲禪教律我心佛心一無差別此修淨土之極致也八功德水金蓮華臺又何必疑哉淨土樞要之作勤矣

10 1 2 3 4 5 6 7 8 9 20 1

30 1

辨明六祖大師西方淨土

十五

卷上

禪者問曰師言念佛定往西方六祖言西方是自性何用更求生兩家之言云何不一宗本曰六祖之言以理奪事終無事外之理吾之所言以事顯理終無理外之事要知心外無境境全是心心法徧周事理平等祇因人有利鈍遂成見有差殊果能到六祖地位尚無佛可念有何淨土可生其或未然聽吾究竟曰顥聞曰六祖大師乃是再來古佛非今凡夫所能及也六祖說法專談性理要人放下諸緣立地成佛今人不解他義只學他言猶鸚鵡無異也鸚鵡但能學得人語不能行得人事此所謂無異也未到祖師田地先談祖師語句可笑其不揣已也問六祖又言東方人造罪念佛求生西方西方人造罪念佛求生何國答六祖只說僧俗喻於東西何曾說無佛國不見壇經云在家能行如東方人無罪出家不修如西方人有愆今人不窮古教強要狐言鳥語況以六祖開示教人斷除忘想心貪瞋心嫉妒心愚癡心煩惱心詣誑心邪僞心憎愛心散亂心是非心貢高心能所心染著心人我心取捨心有無心修證心除却此等之心方許見性成佛問君除得那一心乎

再問汝等神通妙用差別見解智慧道德能如六祖
大師否若也纖毫未到不許說如此話若說此話是
爲魔說斷佛種故後來阿臭地獄決然放你不過何
則若有初修行人信汝一向所說阿彌陀佛不念得
西方淨土不生得生死輪迴不出得地獄苦楚不免
得自墮地獄猶且可連累他人入地獄其罪可勝乎
比於常人之罪愈加一等所以阿臭有分也又不聞
古德云若人排毀淨土不信往生者當受拔舌之苦
何以故要知淨土法門十方諸佛同口敷宣天下禪
宗一音演暢如何後學略不聽從自毀正因反行魔

說既不能自修又障他人修此入地獄如箭射誠可
愍也汝當速急懺悔一心念佛他日蓮華化生方知
我今日之不虛言也於是禪者悚然惶怖受教而退
此上問答因由皆出古壇經語後人刪而去之可痛可恨

諸祖指歸淨土文

明師指歸淨土者如微塵數今略引諸祖以證之○
天如和尚云多見今之參禪者不究如來之了義不
知達磨之玄機空腹高心習爲狂妄見修淨土之人
則笑之曰彼學愚夫愚婦之所爲何其鄙哉余嘗謂
非鄙愚夫愚婦也乃鄙文殊普賢馬鳴龍樹等也此

10.1 2 3 4 5 6 7 8 9 20 1 2 3 4 5 6 7 8 9

30

1

2

3 4 5 6 7 8

等之人非特自逃正道自斷佛種反成謗法之業又招鄙聖之殃可不戒哉其餘教法生死難逃念佛修持輪迴易脫但留阿彌陀佛名號救度衆生其有不信而毀謗者當墮地獄具受衆苦○靈芝法師云博地凡夫業惑纏縛流轉五道百千萬劫受諸苦惱忽聞淨土志願求生一日稱名卽超彼國可謂萬劫難逢千生一遇若人肯念阿彌陀佛超過一切善根縱然能行施戒禪誦亦不如念佛功德何則雖修一切福業若無正信求生淨土皆爲小善根也若念阿彌陀佛發願求生淨土是名大善根也○孤山法師云

夫求生淨土者是假他力彌陀願攝釋迦勸讚諸佛護念三者備矣苟有信心往生極易如渡大海旣得巨航仍有良導加以順風必能速到彼岸矣若其不肯登舟遲留險道者誰之過歟○楊提刑云有佛釋迦是大導師指清淨土是安樂國阿彌陀佛是淨土師爾諸衆生若生彼土則無諸苦不聞知者固可哀憐亦有善士發三種心不求生者尤可嗟惜一曰吾當超佛越祖淨土不足生也二曰處處皆淨土西方不必生也三曰極樂聖域我輩凡夫不能生也夫行海無量普賢願見彌陀佛國雖空維摩常修淨土十

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

方如來有廣舌之讚十方菩薩有同往之心試自忖
量孰與諸聖謂不足生者何則自欺哉至如龍猛祖
師也楞伽經有預記之文天親教宗也無量論有求
生之偈慈恩通讚首稱十勝智者析理明辨十疑彼
皆上哲精進往生謂不必生者何其自慢哉火車可
滅舟石不沉現花報者莫盛於張馗十念而超勝處
入地獄者莫甚於雄俊再甦而證妙因世人愆尤未
必若此謂不能生者何其自棄哉○中峯祖師云娑
婆苦娑婆苦娑婆之苦誰能數世人反以苦爲樂甘
住其中多失所臭皮囊裏出頭來長養無明病成蠱

驀然三寸氣消亡化作寒灰埋下土五趣遷流不暫
停百劫千生受妻楚諸仁者何如及早念彌陀捨此
娑婆苦西方樂西方樂西方之樂誰能覺人民國土
總殊勝了無寒暑并三惡蓮華胎裏出頭來時聽法
音與天樂瑠璃地瑩絕纖塵金銀珠寶成樓閣化衣
化食自然榮壽命無量難籌度諸仁者何如及早念
彌陀取彼西方樂○辯秀律師曰吾專於律而念於
佛以淨土爲安養之歸不達禪宗之人或云念佛是
權門小教或云是有相大乘此乃蓬心不直之談非
是徹透高明之說何耶夫出言卽性發意皆如而一

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

色一垂無非中道况我正念乎○寂室大師示淨土
實見云不修淨業之人妄稱游心禪定悟性真宗或
聞說淨土必曰淨土唯心我心既盡則國土淨何用
別求生處寂室曰且維摩經中云如來以足指按地
見娑婆國土悉皆嚴淨而衆會不見唯螺髻梵王得
知今之說悟性者能如梵王所見淨土否況汝居卑
室陋屋必美之以大厦高堂脫粟藜羹者必美之以
珍羞上味弊袍短褐者必美之以綾羅輕縠若云心
淨土淨則不消如是分別也况當老病死苦世間違
情之時顏色與未悟者同是則口唱心淨土淨之言

身被穢土苦惱之縛其自欺之甚也不然應須信教
仰理於淨土從而修之○真歇了禪師云捷徑法門
惟有念佛功高易進念佛爲先若不念佛而求出離
者終無所獲普勸清信一心念佛求願往生決不悞
矣○古音禪師云一句阿彌陀佛宗門頭則公案譬
如騎馬拄杖把穩生涯一段不拘四衆人等持之悉
有應驗現生長福消灾報滿永除罪難若人立地受
持無不隨心滿願幸生中土爲人如上寶山一遍切
莫空去空回所務急宜早辨閻王不貴金珠唯重彌
陀一卷一生富貴如雲百歲光陰若電知音切莫遲

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

延急早作箇轉變佛爲苦海舟航勸君早渡彼岸一
用齋戒爲先二用改惡向善三用明師善友四用解
脫正願五用知因識果六用有諸方便七用積功累
德八用福緣相贈行住坐臥之中一句彌陀莫斷須
信因深果深直教不念自念若能念念不空管取念
成一片當念認得念人彌陀與我同現便入念佛三
昧親證極樂內院蓮胎標的姓名極功之者自見親
見彌陀授記便同菩薩作伴直至無上菩提永劫隨
心散誕依得此道歸來決定成佛不欠○白樂天頌
云余年七十一不復事吟哦看經費眼力作福畏奔

波何以度心眼一聲阿彌陀行也阿彌陀坐也阿彌
陀縱饒忙似箭不離阿彌陀達人應笑我多却阿彌
陀達又作麼生不達又如何普勸法界衆同念阿彌
陀要脫輪迴苦須念阿彌陀○無盡居士云自歎身
居相位意樂空門思此世界五濁亂心衆惡雜性無
正觀力無了因力本性彌陀唯心淨土不能悟達謹
遵 釋迦世尊金口之教專念西方極樂世界阿彌
陀佛求彼世尊大願大力加被攝受待報滿時往生
極樂猶如順水乘舟不勞自力而到矣○遠公祖師
云禪宗見念佛修西方者皆言著相修行未足爲妙

10 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8

不如參禪見性頓悟真常淺根之人信彼一惑佛又不念經又不看在塵務中口談參禪心不行道輕毀淨土不信往生其失大矣不知阿彌陀佛是無上甚深禪也今人不窮大理妄生分別欲要參禪見性不須別舉話頭但持一句阿彌陀佛自參自念自究自疑久久自有所得此時縱然不悟命終亦得上品往生何患不大悟哉○且如百丈大智海禪師是江西馬祖傳道之的子天下叢林依他建立從古至今無一人敢議其非天下清規依他舉行從始至末無一事敢違其法看他爲病僧念誦之規云集衆同聲舉

揚一偈稱讚阿彌陀佛復同聲稱念南無阿彌陀佛或百聲或千聲回向伏願云諸緣未盡早遂輕安大命難逃徑登安養此非淨土之指歸乎又看他津送亡僧大夜念誦回向伏願云神超淨域業謝塵勞蓮開上品之華佛授一生之記此非淨土之指歸乎至於茶毘之際別無所爲但令維那引聲高唱南無西方極樂世界大慈大悲阿彌陀佛如是十唱而大衆十和總名之曰十念也唱畢復回向云上來稱揚十念資助往生此非淨土之指歸乎自百丈以來凡所以津送亡僧皆依此法然則所謂合五家之宗派盡

10 1 2 3 4 5 6 7 8 9 20 1

30 1

天下之禪僧無有一人不歸淨土者以余觀老宿之言皆有所據而指歸淨土今之忝禪之人既不會祖師之意又自不發省覺之心妄謂悟達之士不願往生後悔無所逃矣

諸經指歸淨土文

十七

淨土教門如恒河沙略引數則以破疑也○大無量壽經云佛告彌勒於此世界有七百二十億不退菩薩往生極樂國土諸小行菩薩不可稱計皆得往生又不但我國乃至十方世界無量大菩薩衆盡念阿彌陀佛願生阿彌陀佛國土○彌陀經云若有善男子善女人聞說阿彌陀佛執持名號以稱名故諸罪消滅其人臨命終時卽得往生阿彌陀佛極樂國土釋迦佛云汝等皆當信受我語及諸佛所說若有衆生聞是說者應當發願生彼國土○十六觀經云若善男子及善女人但聞佛名二菩薩名除無量劫生死之罪何況憶念念南無阿彌陀佛一聲滅八十億劫生死重罪若念佛者當知此人是人中分陀利華觀世音菩薩大勢至菩薩爲其勝友○藥王菩薩本事品云聞是經典如說修行於此命終卽往安樂世界阿彌陀佛大菩薩衆圍遶住處生蓮華中寶座之

10 1 2 3 4 5 6 7 8 9 20

30

1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9 30

上不復爲貪欲所惱亦復不爲瞋恚愚癡所惱亦復
不爲憍慢嫉妒諸垢所惱得菩薩神通無生法忍○
大智度論云佛是無上法王諸大菩薩以爲法臣諸
臣所尊重者唯佛法王也有諸菩薩自念往昔謗般
若墮惡道受無量苦復經無量劫來雖修餘行不能
得出苦海後遇善知識教我念阿彌陀佛卽得消滅
罪障超生淨土我今應當禮謝阿彌陀佛何以故父
母親友人天王等不能度我出離苦海唯阿彌陀佛
願力攝受是以得出苦海偈云若人願作佛心念阿
彌陀卽得爲現身故我歸命禮又云佛世一老人求

出家舍利弗不許佛觀此人曩劫採樵爲虎所逼上
樹失聲念南無佛有此微善遇佛得度獲羅漢果吁
一稱其名尚得解脫况終身念佛乎○蓮宗寶鑑云
恒河沙數衆如來彌陀第一十方微塵諸佛刹極樂
是歸深信極樂真解脫之妙門諦想彌陀實衆生之
慈父是以一念興而萬靈知信心生而諸佛現纔稱
寶號已投種於蓮胎一發菩提卽標名於金地有緣
斯遇自悟自修淺信不持大愚大錯堪歎時逢末代
多有邪見逃流貶淨業爲權乘強誦持爲龕行豈非
耽溺火宅自甘永劫之沉淪悖悞慈親深痛一生之

9 10 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8

虛喪須信匪憑他力截業惑以無由不遇此門脫生死而無路是則輕者全是自輕毀者還成自毀妄情易習正法難聞輪轉三惡道中長劫不得出離○淨土境觀要門云夫淨土法門者乃末世衆生出生死之要路截苦海之舟航一生彼處永無退轉以金色身飛行自在衣食自然得見佛聞法速入聖位無虎狼獅子蚊虻蚤虱之所逼惱無雷霆風雨寒熱飢渴之所煎熬蓮華化生壽命無量既無生老病死等苦是爲極樂世界故我釋迦如來欲令此土在迷衆生出離衆苦開折伏之門彌陀慈父示攝受之路所以

若口丁寧偏讚淨土普勸往生良由於此是故聖賢道俗念佛往生者不可勝數但下劣凡夫貪著塵勞不求出離甘心流浪生死深可痛傷○安樂集云能念阿彌陀佛卽斷一切業障得生淨土何則譬如有人用師子筋爲琴絃其聲一奏一切餘絃悉斷若人於菩提心中能念阿彌陀佛一切煩惱重障皆悉斷滅亦如有人取牛羊驢馬諸乳置一器中若將師子乳一滴投之一切諸乳悉化爲水若人於菩提心中能念阿彌陀佛一切惡魔諸障自然消滅得生淨土矣○決疑論云人身難得淨土易生何以故五戒不

10.1 2 3 4 5 6 7 8 9 20.1

30.1

持人天路絕五戒清淨方得爲人況以五戒難持亦無願力攝受此所謂人身難得也修淨土者未必持戒全與不全但念阿彌陀佛名號縱有罪業亦許懺悔臨命終時阿彌陀佛觀音勢至清淨海衆各有願力共來接引攝受此所謂淨土易生也○淨行法門云懺悔似勤磨古鏡旋消歷劫之昏塵念佛如私遇明君頓獲他時之拯拔春夏秋冬之內行住坐臥之間勤思淨土莊嚴常憶阿彌陀佛如是念佛則三昧現前生淨土不須疑矣○大集月藏經云末法時中億億衆生起行修道未有一得者皆因五濁惡世雜

學難成唯有淨土一門可通入路當知自行難圓他力易就如劣士附輪王之勢飛遊四天凡質假仙藥之功昇騰三島實爲易行之道疾得相應慈旨丁寧須銘肌骨○寶王論云浴大海者已用於百川念佛名者必成於三昧亦猶清珠下於濁水濁水不得不清念佛投於亂心亂心不得不念○大品經云若人散心念佛亦得離苦其福不盡况定意念佛也上至一心不亂下至十念成功○法華經云若人散亂心入於墮廟中一稱南無佛皆已成佛道又云佛名聞十方廣饒益衆生一切具善根以助無上心○華嚴

經云一切威儀中常念佛功德晝夜無暫斷如是業

應作又云寧受地獄苦得聞諸佛名不受無量樂而

不聞佛名○寶積經云他方衆生聞阿彌陀如來名

乃至能發一念淨信歡喜愛樂所有善根回向願生

彼國者隨願往生得不退轉直至成佛○正法難聞

品云佛說世間人民得聞阿彌陀佛名號若慈心喜

悅志意清淨毛髮聳然淚卽出者皆是累世常行佛

道或他方佛所行菩薩道固非凡人也若不信佛語

者不信念佛者不信往生者皆從惡道中來餘殃未

盡愚癡不解未當解脫多有菩薩欲聞此經而不得

聞若得聞者於無上道永不退轉故當信受持念如
說修行今爲汝等說此大法令見阿彌陀佛及其國
土我以哀愍衆生特留此法偈曰若不往昔修福慧
於此正法不能聞已會欽奉諸如來故有因緣聞此
義彼佛刹樂無邊際唯佛與佛乃能知聲聞緣覺滿
世間盡其神智莫能測大聖法王宣妙法濟度一切
脫沉淪若有受持揚說者真是菩提殊勝友佛說此
經已爾時菩薩聲聞天龍八部咸皆歡悅信受奉行

阿彌陀佛因地事理說

十八

或問曰師常勸念阿彌陀佛未知阿彌陀佛有因地

10.1 2 3 4 5 6 7 8 9 20 1

30 1

2 3 4 5 6 7 8 9 30 1

否宗本曰阿彌陀佛因地載於藏教甚多今略引二以訥子之所問○鼓音王經云過去久遠劫中有國名妙喜王名憍尸迦祖父清泰國王父月上轉輪王母殊勝妙顏王后生三子長曰月明次曰憍尸迦三曰帝衆時有一佛出世號世自在王如來憍尸迦棄捨國位投佛出家名曰法藏比丘恭對如來發四十八種廣大行願普度十方一切衆生若一願不滿者誓不作佛是時諸天散花大地震動空中讚言決定成佛○又悲華經云往昔劫中有轉輪王名無諍念大臣寶海爲善知識同於寶藏佛所發菩提心輪

王發願云我作佛時在於清淨安樂世界攝受一切衆生大臣發願云我作佛時在於五濁苦惱世界度脫一切衆生無諍念王者阿彌陀佛是也寶海大臣者釋迦牟尼佛是也似此君臣道合名爲折攝二門是故阿彌陀佛在彼淨土接引衆生釋迦牟尼佛在此娑婆教化衆生○又於塵點劫前大通智勝佛時彌陀釋迦曾爲十六王子覆講法華度生發願因此無量劫來不違本誓諸仁者要知彌陀釋迦二師之恩粉骨碎身未足爲報○又問十方諸佛甚多世人唯念阿彌陀佛何耶答阿彌陀佛有理同事異是以

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

特念耳推其理念一佛卽是念多佛念多佛卽是念
一佛何以故諸佛體同故華嚴經云一切諸佛一法
身真如平等無分別豈不然乎我今再將喻法決汝
之疑譬如一室之中懸百千鏡內安一燈照之則諸
鏡皆有燈光涉入如人稱一阿彌陀佛一切諸佛悉
皆念盡不見般舟三昧經云跋陀和菩薩問釋迦牟
尼佛未來衆生云何得見十方諸佛教令念阿彌
陀佛卽見十方諸佛是以諸佛體同故稱同名同號
也非唯諸佛同名同號要知四聖六凡皆同此理何
則諸佛悟此性成聖衆生迷此性爲凡是以亦同此

理也○舉其事阿彌陀佛慈悲廣大行願弘深是以
特念耳不見大阿彌陀經云我作佛時我刹莊嚴殊
勝超過十方國土不得是願終不作佛又云我作佛
時說經行道十倍於諸佛不得是願終不作佛又云
稱我名號定生我國不得是願終不作佛是以願廣
緣強感動世人皆念耳又不見大慈菩薩讚佛偈云
十方三世佛阿彌陀第一豈不然哉非但菩薩稱讚
十方諸佛亦稱讚之况我輩下劣凡夫也由此推之
專念彼佛有何疑哉○又問念佛之人臨終佛來接
引十方世界有無量人念佛焉能悉知其時盡能接

10.1 23mm 456789 20123456789 30123456789

引乎答且日月是一小世界光明猶能普照萬類况
佛之光明乎不見彌陀經云彼佛何故號阿彌陀舍
利弗彼佛光明無量照十方國無所障礙是故號爲
阿彌陀應知佛之光明廣大無比小乘羅漢尚有三
明六通隨類現化况佛之神通妙用乎何則身常禮
佛佛則見之天眼通故口常念佛佛則聞之天耳通
故心常憶念佛佛則知之他心通故諸仁者只要自己
虔切修持不須疑佛無能接引○又問佛有無量光
明我何不見答杲日麗天瞽夫不覩非日無光是盲
者答衆生黑業障重不見佛之光明如處覆盆之下

非日光之不照也若人齋戒精嚴一心念佛臨終面
見彌陀卽得往生淨土○又問既有如是功德何必
連聲舉念譬如叫我名字不過一二三聲若呼之不
止則吾心反成瞋恚何如答汝之邪說惑亂迷人且
諸佛大聖之洪名非凡愚常見之可比前不云乎稱
我名號定生我國觀經云念阿彌陀佛一聲滅八十
億劫生死重罪況連聲不斷乎彌陀經云以稱名故
諸罪消滅勢至圓通云憶念佛必念佛上至一心不亂專持名號下至十念成功往生淨土豈容汝
饒舌非言哉我今勸人常稱佛號何也要先滌其口

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

業然後可淨其身心矣嗚呼凡夫念佛之時還有妄想現起況不念佛乎今我觀之非唯念彼之佛即是喚醒主人不逃本性既能一性不逃三業自然清淨到此之時彌陀與我一體無殊我與彌陀本來不二正是感應道交母子相見事理分明性相兼備矣

龍舒口業勸戒文

十九

居士曰口誦佛名如吐珠玉天堂佛國之報口說善事如噴清香稱人長同口宣教化如放光明破人迷暗口語誠實如舒布帛實濟人用口談無益如嚼木屑不如默以養氣口言欺詐如蒙暗穿行則誤人口

好戲謔如掉刀劍有時傷人口稱惡事如出臭氣說人短同口道穢語如流蛆蟲地獄畜生之報○人生不過身口意業殺益媱爲身三業妄言綺語兩舌惡口爲口四業貪瞋癡爲意三業總謂之十惡若持而不犯乃謂之十善據佛所言口業果報多於身意二業何則發意則未形於外出口則遂見矣舉身爲惡猶有時艱阻不若口之易發故也未問隔世之事且以現世言之今人有一言稱人其人終身受賜福及子孫者有一言陷人其人終身受害累及子孫者口業豈不重哉出乎爾者反乎爾在彼固可畏矣然在

9 10 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8

已怨天者窮怨人者無智准當戒慎可也故述聖賢之意特勸戒焉

辨明三教大理贊翌治化論

二十

夫三界之內三教流行三教者儒釋道也三教立法俱以使人改惡向善返邪歸正世人不達本根妄分枝葉便言窮理治天下莫大於儒盡性超生死莫大於釋復命御三才莫大於道又謂之釋之寂滅不近人情道之虛無不足以治天下儒之名義不能以超生死都各執一偏而互相謗也耶不若服儒之服誦儒之言行儒之行是儒而已矣服釋之服誦釋之言

行釋之行是釋而已矣或曰佛氏之教本是異端不足信也一元曰子識異端之教可道之乎曰無暇讀彼之書曰既不會讀彼之書則安知有異端之法今子只讀孔子之書而遂疑彼之非是舜犬也聞人以爲非而遂非之是妾婦也彼怒色而厲聲曰佛氏之教無父無君豈不是異端也余曰盲者摸象謂之異端只爲不見象之真體無足怪也佛氏立教與人臣言必依於忠與人子言必依於孝法華經云我等與衆生皆共成佛道而況於君臣父子哉彼曰不孝有三無後爲大豈不是異端也余曰子言過矣孔孟取

10.1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

之以義不特取之以迹曩時夷齊不嗣巢許無後而孔子稱其聖之清未聞譏其不孝况吾宗弘道利生自他兼濟出世之孝功莫大焉今子只知凡世胎生安知佛國有化生也况佛之設教有權實之方頓漸之法出家者降伏身心精修梵行處俗者夫婦有別不犯邪非只要清心寡慾豈禁人生養嗣續哉彼曰一髮一膚皆是父母所生父母全而生之子全而歸之可謂孝矣今見其僧毀除鬚髮是何孝歟余曰子之所說實是知近而不知遠見小而不見大也昔者泰伯文身荆軻殞命比干剖腹介子焚軀盡是毀之

甚也而聖賢皆稱至忠至德豈可以不全形體而見責耶况我沙門持戒行修佛道度迷情超苦海方於焚身之類亦以遠矣奚在鬚髮之小事哉彼曰佛氏之徒不耕而食不蠶而衣何也余曰未及佛者蠶食於人猶可今有未能如孔孟者亦蠶食於人何也彼曰儒者蠶食於人有功於天下余曰佛化亦有益於天下也何則釋氏之所以孜孜訓世人者無非戒惡勸善孰不知儒教亦復然乎且以目前言之佛以殺生偷盜邪姪爲身三業而孔子言勝殘去殺舜好生惡殺詩人言文王德及島獸昆蟲是豈不戒殺哉蓋

固不在所言矣夫子之時路不拾遺一草一葉不與不取何況竊盜孔子言吾未見好德如好色者也詩人刺不好德而悅美色是豈不戒邪姪哉佛以妄言綺語兩舌惡口爲口四業孔子謂人而無信不知其可豈不戒妄言也謂巧言令色鮮矣仁豈不戒綺語也書稱爾無面從退有後言豈不戒兩舌也惡口謂之惡怒之聲尚未至於穢語荀子謂傷人之言深於矛戟是豈不戒惡怒之口也佛又以貪瞋癡爲意三業孔子謂見得思義是則戒貪矣謂伯夷叔齊不念舊惡是則戒瞋矣謂困而不學民斯爲下是則戒癡

矣由此言之儒釋未嘗不同也其不同者唯儒家止於世間法釋氏又有出世間法儒家獨言一世而歸之於天釋氏知累世業緣之本末此其所不同耳欲知釋氏之所長須看楞嚴楞伽圓覺及曉金剛經之理若能如是可以超出輪迴生死也未能如是而遂非之則孔子所謂不知而作之者可不戒哉誠如是則釋氏爲可信矣其言淨土烏可以不信哉所謂出世間法淨土尤其要者不可以不勉也又云佛家五戒殺益邪妄酒儒教五常亦復如是不殺仁之大不益義之廉不邪禮之正不酒智之明不妄信之至是

也先德云百家之鄉十人持五戒則十人淳謹千室之邑百人行十善則百人和睦夫能行一善則去一惡去一惡則息一刑一刑息於家萬刑息於國故我能仁設教大有補於治化矣吁假若人人持五戒修十善國家刑罰可以不用太平可以坐致也果能如是况又感得諸天八部下降闍浮衛護凡世風調雨順五穀豐殷火盜潛消災殃殄滅如斯利益非但補於治化抑亦利於存亡矣蓮宗寶鑑云使一人能行是道以訓于家家以導於鄉鄉以達於邦以至於無窮則天下之民涵道泳德融神實相高步無何而極

一人在上高而不危三教周流通而無滯有一人故奉三教之典有三教故助一人之理猶天之三光世之三綱鼎之三足皆闕一不可也况爲僧莫若道安與習鑿齒交游崇儒也爲僧莫若慧遠送陸修靜過虎溪重道也余慕一高僧好儒重道釋子猶或非之我旣重他他豈輕我請信安遠行事其可法也詩曰伐柯伐柯其則不遠孟子曰天時不如地利地利不如人和斯之謂歟

毒峯善禪師二教一理述

二十一

夫空劫之先無相有覺虛明寂照爲天地之根降本

流末爲萬道之祖還源返本爲一法之宗追之不見其首伺之不聞其後不可以智知不可以相覩唯真聖者自內所證而知昔有僧問香巖云如何是道巖云枯木裏龍吟僧云如何是道中人巖云骷體裏眼睛具得這手眼可以論三教故如居士三教一理論云硬似綿團軟似鐵六月炎天一點雪露柱燈籠笑點頭啞子得夢向誰說古來三教强安名釋迦掩室於摩竭夫子謂默而識之老聃謂大辯若訥直饒剖破作一家不免落在第二月翻憶東坡居士言盡把三教俱漏泄山色無非清淨身溪聲便是廣長舌

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

便恁麼去非特法堂前草深一丈至盡法界無一人
堪爲種草從上聖人典慈運悲愍世流浪不免捺下
雲頭於第二門淺近處誘引諸子使當去古漸邈之
時若不爲通一線路斯氏詭譎日甚且將爲魑爲魅
而不返是以二聖人同生於有周主盟正教儒教教
之以窮理盡性釋教教之以明心見性道教教之以
修真煉性唯此一事實餘一則非真是各人智中自
有三教渾然切不可向外騎牛覓牛去也故前輩云
一釋一道一儒流三人共話幾春秋不知說箇何年
事直至如今笑未休此詩渾無一點食煙火氣味始

於三教無負若曰齊家治身致君澤民此特儒者之
餘事若曰畜精養神飛仙上昇此特道家之粗迹若
曰越死超生自利利人此特釋氏之筌罥耳吁一字
三寫烏焉成馬後世傳訛將謂三教止於粗迹往往
承虛接響忘本逐末但以耳目所可接者爭是較非
甚至言戟交攻辭鋒競射豈不見聖門有云我之大
賢也於人何所不容况三教聖人各有門戶要其至
極處未始不一是皆不能容人之量是已非人及言
自己性命者盡指爲虛無恠誕之語終日喚假爲真
認賊爲子至於每日承他恩力一點子問著全未有

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

正見正悟既無見悟一旦翻身歸去且道路頭向甚處去轉見如癡如醉不識下落如是見解又却不謂之虛無恠誕也若善論三教當畧去其糠粃別覓轉身一着可也吁我知之矣運甕者必在甕外若坐甕中不能運甕既自埋沒於是非境中終不謂之善論三教者須是具活捉長鯨底手段生擒猛虎底機鋒迥然獨脫於三教之表始可出坎井而語東海也苟區區拾前人之喀唾竊紙上之陳言而欲是此非彼其不見笑於大方者鮮矣又有一說書曰非知之艱行之唯艱當老病未至之時誰不能高談闊論說心

說性毀斥古人談玄說妙出人意表及觀十二時中行持履踐寧無一念貪愛喜怒芥蒂於胷中寧無一念酒色財氣聾瞽於正見仰視夫子之默識一貫顏子之心齊坐忘老子之抱一守朴莊子之鵬鶻逍遙世尊之拈花微笑達磨之得皮得髓恐古聖人未必如是行持也故夫子曰先行然後從之以言未聞如患腳法師能說而不能行也所以雪峯云悟了須是行持若不行持謂之乾慧臨生死利害處終不得力是知不在多言顧力行之何如耳自古鼎分三教相資爲用正如國家用兵器豈得已哉使後世人相

9 10 1 2 3 4 5 6 7 8 9 20

30

1

於忘隣牆不相往來之域清風颯至無日不是羲皇上人吾知三聖人決不向平地上起風波爭奈今人不古見地不古踐履不古所謂口頭說得千般妙下脚難忘一點塵聖人不得不曲垂一隻手嘗觀宋朝無垢居士張狀元一自登科之後未嘗不遊戲禪林三昧忽朝謁妙喜禪師論格物之旨喜云公只知格物不知有物格公曰師豈無方便耶喜舉明皇幸蜀以劍擊閻守像話公聞之頓悟玄旨遂作偈云子韶格物妙喜物格要識一貫兩箇五百果是具眼知音但看這般公案豈三教之所能窒礙於人者哉不然

原聽亂說一偈三教由來古有之休將黃葉止兒啼
衝開碧落松千尺截斷紅塵水一溪余嘗謂衆曰儒吾履也道吾冠也釋吾衣也於斯三者苟闕其一猶跣其足而强行千里露其首而欲見大賓裸其形而擬朝天子其爲君子乎余固豈能盡三聖人之道幸蚊蚋飲海亦預其味遂敬繪是像隨身瞻禮表全圓極無外之誠仍述斯文要人各復自性本有之實爲是故叙之云耳

姚少師佛法不可滅論

二十二

或問少師曰佛胡人也其法爲中國之患害久矣其

可不滅乎少師對曰佛法不可滅也或曰胡爲而不
可滅也曰非唯不可滅也莫之能滅也或曰佛法爲
中國之患害甚於洪水旱暵其不可滅而令其張王
乎譬如洪水治之有道亦能疏決旱暵禱之有靈亦
能消弭佛是人也有勢力者必能滅之矣少師笑而
謂曰有勢力者汝不聞三武與宋徽乎隨滅而隨興
也非惟隨滅而隨興况興之愈盛也縱有其勢力而
能滅但能滅其所主之地耳能滅其普天率土者哉
或曰人之有勢力者不能滅天能滅之乎曰天能滅
而不敢滅也或曰子之言何其誕歟天何爲而不敢

滅也曰孔老二教法天故不敢違天佛之教諸天奉行況敢言滅乎何哉佛在世時梵王帝釋諸天龍神曾於佛前發大誓願但有教法處我當擁護况敢言滅也若論諸天神力可能滅也使其一時運行雷火疾疫盡世界內外所有教法僧徒廬舍悉皆消殞有何難哉然諸天奉行佛之教法唯恐不逮況敢言滅也或曰以子之言佛法斷不可滅也子更爲我詳言之少師曰然吾語汝汝其諦聽焉佛乃西方出世間聖人也生于維衛國淨飯王家年十九捨王位出家居雪山修道日食馬麥充飢苦行六年而成正覺山

9 10 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8

河大地悉皆震動恒以慈悲爲心等觀世間衆生猶如一子教令改惡從善離苦得樂成一切種智況佛之化導於人而無所求也既捨王位出家非爲求富貴也日食馬麥苦行修證非爲求利養也既無所求於人其法唯以化人爲善寧中國之患害乎汝之無知之言何其甚歟使世間聖人如孔子若見佛則必尚而師之矣豈不聞孔子師老聃鄭子萇弘師襄要知此等聖賢能及佛乎况佛之大道水不能漂火不能燒杻械不能拘刀劍不能刃毒藥不能中生而不生不生而生滅而不滅不滅而滅在凡而不滅在聖

而不增猶太虛空其可能滅乎唐之韓愈宋之歐陽修輩以空言欲滅之正如精衛之欲填東海蠻蠻之欲穴泰山可笑其不自量也或乃聞余言赧然拜謝而退作佛法不可滅論

靜齋劉學士三教平心論

二十三

嘗觀中國之有三教也自伏羲氏畫八卦而儒教始於此自老子著道德經而道教始於此自

漢明帝夢金人而佛教始於此此中國有三教之序也大抵儒以正設教道以尊設教佛以大設教觀其好生惡殺則同一仁也視人猶己則同一公也懲忿

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

窒慾禁過防非則同一操修也雷霆衆曠日月羣盲則同一風化也由粗迹而論則天下之理不過善惡二途而三教之意無非欲人之歸于善耳故

孝宗皇帝製原道辨曰以佛治心以道治身以儒治世誠知心也身也世也不容有一之不治則三教豈容有一之不立無盡居士作護法論曰儒療皮膚道療血脉佛療骨髓誠知皮膚也血脉也骨髓也不容有一之不療也如是則三教豈容有一之不行焉

儒教在中國使綱常以正人倫以明禮樂刑政四達不悖天地萬物以位以育其有功於天下也大矣故不悖天地萬物以位以育其有功於天下也大矣故

秦皇欲去儒而儒終不可去

道教在中國使人清虛以自守卑弱以自持一洗紛紜轄轔之習而歸於靜默無爲之境其有裨於世教也至矣故梁武帝欲除道而道終不可除

佛教在中國使人棄華而就實背僞而歸真由力行而造於安行由自利而至於利彼其爲生民之所依歸者無以加矣故三武之君欲滅佛而佛終不可滅隋李士謙之論三教也謂佛日也道月也儒五星也豈非三光在天闕一不可而三教在世亦缺一不可雖其優劣不同要不容於偏廢歟然而人有異心心

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

有異見慕道者謂佛不如道之尊向佛者謂道不如
佛之大儒家以正自處又兼斥道佛以爲異端是是
非非紛然淆亂蓋千百年于此矣吾將明而辨之切
不可以私心論不可以愛憎之心論唯平其心念究
其極功則可以渙然水釋也蓋極功者收因結果處
也天下事事物物皆有極功沾體塗足耕者之事也
至於倉廩充實則耕者之極功也草行露宿商者之
事也至於黃金滿籯則商者之極功也唯三教亦然
儒有儒之極功道有道之極功佛有佛之極功由其
極功觀其優劣則有不待辨而明者自今觀之

儒家之教自一身而一家自一家而一國自一國而
放諸四海彌滿六合可謂守約而施博矣若夫四海
六合之外則何如哉其說曰東漸西被訖于四海是
極遠不過至四海訖則止於此而更無去處矣是儒
家之教然也故學儒者存心養性蹈仁履義粹然爲
備道全美之士而見諸設施措諸事業可以致君可
以澤民可以安國家而利社稷可以扶世教而致太平
功成身老名在青史儒之極功如此而已曾子曰
死而後已不亦遠乎蓋至於死而極矣

9 10 1 2 3 4 5 6 7 8 9 20

30

自山林巖穴而至於渺渺大羅巍巍金闕可謂超凡
而入聖者若夫天地造化之外則何如哉其說曰大
周天界細入微塵是極大不過周天界界則限於此
而外此者非所與知矣是道家之教然也故學道者
精神專一動合無形翹然於清靜寡欲之境而吐故
納新積功累行可以尸解可以飛昇可以役鬼神而
召風雨可以贊造化而立玄功壽量無窮快樂自在
道之極功如此而已黃庭經云長生久昧乃飛去蓋
至長生則極矣

佛家之教一佛出現則以三千大千世界爲報刹始

以一世界言之一世界之中有須彌山從大海峙出
于九霄之上日月循環乎山之腰而分晝夜須彌四
面爲四洲東曰弗于逮西曰瞿耶尼南曰闍浮提北
曰鬱單越四大洲之中各有三千洲今此之世界則
閻浮提也今此之中華則南洲三千洲中之一洲也
釋迦下生於天竺乃南洲之正中也須彌四旁上隣
日月之處謂之四王天又上則謂之帝釋天又上於
虛空之中朗然而住雲層四重天總名欲界又上雲
層十八重天總名色界又上空層四重天總名無色
界如是三界中諸衆生輩有生老病死是爲一世界

10.1 2 3 4 5 6 7 8 9 20 1

30 1

2 3 4 5 6 7 8

也如此一千世界謂之小千如此一千小千世界謂之中千卽百萬也如此一千中千世界謂之大千卽百億也以三次言千故云三千大千世界其實一大千爾一大千之中有百億須彌山百億日月百億四天下如小錢一百萬貫每一界置一錢盡此一百萬貫方爲大千世界此一佛報刹也一佛出現則百億世界中有百億身同時出現故梵網經云一華百億國一國一釋迦各坐菩提樹一時成佛道如是千百億盧舍那本身千百億釋迦各接微塵衆是之謂千百億化身也以千百億化身而化度千百億世界其

中胎卵濕化無足二足四足多足有色無色有想無想乃至非想非非想皆令得度是佛家之教然也故學佛者識五蘊之皆空澄六根於清淨遠離十惡修行十善觀四念處行四正勤除六十二見而邪僞無所容斷九十八使而煩惱莫能亂三千威儀八萬細行無不謹守四無量心六波羅蜜常用熏修其間爲法忘軀則如剝皮刺血書經斷臂投身叅請而不怯不疑爲物忘己則如忍苦割肉餒鷹捨命將身飼虎而不怖不畏錢財珍寶國城妻子棄之如弊屣支節手足頭目髓腦捨之如遺蛻從生至生經百千萬億

10 1 2 3 4 5 6 7 8 9 20 1

30 1

2 3 4 5 6 7 8

生而此心不退轉也從劫至劫經百千萬億劫而此心愈精進也由是三祇果滿萬德功圓離四句絕百非通達無量無邊法門善入無量無邊三昧成就五根五力具足三達三明圓顯四智三身超證六通五眼得四無礙辯而演說無窮入四如意分而神通自在八勝處八解脫常得現前四無畏四攝法受用無盡八聖道支十八不共法不與三乘同等三十二相八十種好莊嚴微妙法身過去塵沙劫未來塵沙劫無不洞見現在塵沙界衆生塵沙心無不了知圓明十號之尊超出三界之上是爲天中之天是爲聖中

之聖是爲無上法王是爲正等正覺超諸方便成十力還度法界諸有情佛之極功如此而已法華經云如來爲一大事因緣故出現於世普欲令衆生亦同得此道蓋其大願大力誓與一切含靈皆證無上涅槃妙果者也是故辨三教者不可以私心論不可以愛憎之心論唯平其心念究其極功則知世之學儒者到收因結果處不過垂功名也世之學道者到收因結果處不過得長生也世之學佛者到收因結果處可以斷滅生死究竟涅槃普度衆生俱成正覺也其優劣豈不顯然可見哉故嘗試譬之儒教之所行

10.1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

者中國也道教之所行者天上人間也佛教之所行者盡虛空徧法界也儒猶治一家威令行於藩牆之內若夫藩牆之外則不可得而號召也道猶宰一邑政教及於四境之中若夫四境之外則不可得而控制也佛猶奄有四海爲天下君溥天率土莫非臣民禮樂征伐悉自我出也此三教廣狹之辨也

學儒者死而後已蓋百年間事也學道者務求長生蓋千萬年也學佛者永斷生死湛然常住蓋經歷塵沙劫數無有窮盡也儒猶一盞之燈光照一夕鐘鳴漏盡則油竭燈滅也道猶阿闍世王作百歲燈照佛

舍利經百歲已其燈乃滅也佛猶皎日照耀萬古常明西沒東昇循環不息也此三教久近之辨也略說三教大意其詳備在本論

北齊黃門侍郎歸心辨惑篇

二十四

三世之事信而有徵家業歸心勿輕慢也其間妙旨具諸經論不復於此少能讚述但懼汝曹猶未牢固重勸誘爾原夫四塵五廢剖枱形有六舟三駕運載羣生萬行歸空千門入善辨才智慧豈徒七經百姓之博哉明非堯舜周孔所及也內外兩教本爲一體漸極爲異深淺不同內典初門設五種禁外典仁

10.1 23mm

20.1

30.1

40.1

50.1 23mm

義禮智信皆與之符仁者不殺之禁也義者不盜之禁也禮者不邪之禁也智者不淫之禁也信者不妄之禁也至如畋狩軍旅燕享刑罰因民之性不可卒除就爲之節使不淫濫爾歸周孔而背釋宗何其迷也俗之謗者大抵有五其一以世界外事及神化無方爲迂誕也其二以吉凶禍福或未報應爲欺誑也其三以僧尼行業多不精純爲姦慝也其四以糜費金寶減耗課役爲損國也其五以縱有因緣如報善惡安能辛苦今日之甲利後世之乙乎爲異人也今並釋之于下云

釋一曰夫遙大之物寧可量度今人所知莫若天地天爲積氣地爲積塊日爲陽精月爲陰精星爲萬物之精儒家所安也星有墜落乃爲石矣精若是石不得有光性又質重何所繫屬一星之徑夫者百里一宿首尾相去數萬百里之物數萬相連濶狹從斜常不盈縮又星與日月形色同爾但以大小爲真等差然而日月又當石也石旣牢密鳥鬼焉容石在氣中豈能獨運日月星辰若皆是氣氣體輕浮當與天合往來環轉不得錯違其間遲疾理宜一等何故日月五星二十八宿各有度數移動不均寧當氣墜忽變

10 1 2 3 4 5 6 7 8 9 20 1

30 1

2 3 4 5 6 7 8 9 30 1

爲石地既淳濁法應沉厚鑿土得泉乃浮水上積水
之下復有何物江河百谷從何處生東流到海何爲
不溢歸墟尾間渫何所到沃焦之石何氣所然潮汐
去還誰所節度天漢懸指那不散落水性就下何故
上騰天地初開便有星宿九州未劃列國未分剪疆
區野若爲疆次封建已來誰所制割國有增減星無
進退災祥禍福就中不差乾象之大列星之夥何爲
分野止繫中國昴爲旄頭匈奴之次西胡東粵彫題
交趾獨棄之乎以此而求迄無了者豈得以人事尋
常抑必宇宙外也凡人之信唯耳與目耳目之外咸

致疑焉儒家說天自有數義或渾或益乍宣乍安半
極所周管維所屬若所親見不容不同若所測量寧
足依據何故信凡人之臆說述大聖之妙旨而欲必
無恒沙世界微塵數劫也而鄒衍亦有九州之談山
中人不信有魚大如木海上人不信有木大如魚漢
武不信弦膠魏文不信火布胡人見錦不信有蟲食
樹吐絲所成昔在江南不信有千人氈帳及來河北
不信有二萬斛船皆實驗也世有祝師及諸幻術猶
能履火蹈刃種瓜移井倏忽之間十變五化人力所
爲尚能如此何況神通感應不可思量千里寶幢百

9 10 1 2 3 4 5 6 7 8 9 20 1

30

1

由旬座化成淨土湧出妙塔乎
釋二曰夫信謗之徵有如影響耳聞眼見其事已多
或乃精誠不深業緣未感時儻差闡終當獲報耳善
惡之行禍福所歸九流百氏皆同此論豈獨釋典爲
虛妄乎項橐顏回之短折原憲伯夷之凍餒盜跖莊
蹠之福壽齊景桓魋之富強若引之先業與以後生
更爲通耳如以行善而偶鍾禍報爲惡而倘值福徵
便可怨尤卽爲欺詭則亦堯舜之云虛周孔之不實
也又欲安所依信而立身乎

釋三曰開闢已來不善人多而善人少何由悉責其

精潔乎見有名僧高行棄而不說若覩凡僧流俗便
生非毀且學者之不勤豈教者之爲過俗僧之學經
律何異士人之學詩禮以詩禮之教格朝廷之人略
無全行者以經律之禁格出家之輩而獨責無犯哉
且闕行之臣猶求祿位毀禁之侶何慚供養乎其於
戒行自當有犯一披法服已墮僧數歲中所計齋
誦持比諸白衣猶不啻山海也

釋四曰內教多途出家自是其一法耳若能誠孝在
心仁惠爲本須達流水不必剃落鬚髮豈令罄井田
而起塔廟窮編戶以爲僧尼也皆由爲政不能節之

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

遂使非法之寺妨民稼穡無業之僧空國賦笑非大
覺之本旨也抑又論之求道者身計也借費者國謀
也身計國謀不可兩遂誠臣徇主而棄親孝子安家
而忘國各有行也儒有不屈王侯高尚其事隱有讓
王辭相避世山林安可計其賦役以爲罪人若能偕
化黔首悉入道場如妙樂之世禳怯之國則有自然
稻米無盡寶藏安求田蠶之利乎

釋五曰形神雖死精神猶存人生在世望於後身似
不相屬及其歿後則與前身似猶老少朝夕耳世有
冤神示現夢想或降童妾或感妻孥求索飲食徵須

福祐亦爲不少矣今人貧賤疾苦莫不怨尤前世不
修功業以此而論安可不爲之作地乎夫有子孫自
是天地間一蒼生耳何預身事而乃愛護遺其基址
況於己之神爽頓欲棄之哉凡夫蒙蔽不見未來故
言彼生與今非一體耳若有天眼鑑其念念隨滅生
生不斷豈可不怖畏耶又君子處世貴能克己復禮
濟時益物治家者欲一家之慶治國者欲一國之良
僕妾臣民與身竟何親也而爲勤苦修德乎亦是堯
舜周孔虛失愨樂耳一人修道濟度幾許蒼生免脫
幾身罪累幸熟思之汝曹若顧俗計樹立門戶不棄

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

妻子未能出家但當善修戒行留心誦讀以爲來世
津梁人身難得勿虛過也儒家君子尚離庖厨見其
生不忍其死聞其聲不食其肉高柴折像未知內教
皆能不殺此乃仁者自然用心舍生之徒莫不愛命
去殺之事必勉行之好殺之人臨死報驗子孫殃禍
其數甚多不能悉錄耳且示數條於末

梁世有人常以雞卵白和沐云使髮光每沐輒破三
三十枚臨死髮中但聞啾啾數千雞雛聲
江陵劉氏以賣鱠羹爲業後生一兒頭是鱠自頸已
下方爲人耳 王克爲永嘉郡守有人餉羊集賓欲

譙而羊繩解來投一客先跪兩拜便入衣中此客竟
不言之固無救請須臾宰羊爲炙先行至客一鬢入
口便下皮內周行徧牴痛楚號咷方復說之遂作羊
鳴而死 梁孝元在江州時有人爲望蔡縣令經劉
敬躬亂縣解被焚寄寺而住民將牛酒作禮縣令以
牛繫柱屏除形像鋪設牀坐於堂上接賓未殺之
項牛解徑來至階而拜縣令大笑命左右宰之飲噉
醉飽便臥簷下稍醒而覺牴痒搔隱疹因爾成癩
十許年死 楊思達爲西陽郡守值侯景亂時復旱
儉饑民盜田中麥思達遣一部曲守視所得盜者輒

9 10 1 2 3 4 5 6 7 8 9 20 1

30 1

2

截手腕凡戮十餘人部曲後生一男自然無手
齊有一奉朝請家甚豪侈非手殺牛噉之不美年三十
許病篤大見牛來舉體如被刀刺呌呼而終
江陵高偉隨吾入齊凡數年向幽州淀中捕魚後病
每見羣魚齧之而死世有癡人不識仁義不知富
貴並由修種爲子娶婦恨其生資不足倚作舅姑之
尊蛇虺其性毒口加誣不識忌諱罵辱婦之父母却
云教以婦道不孝已身不顧他恨但憐已之子女不
愛已之兒婦如此之人陰紀其過鬼奪其算慎不可
與爲隣仍不可與爲援宜遠之哉

三教真如本性說

二十五

真如本性者父母未生前一真無妄之體謂之本來
面目禪宗則曰正法眼藏蓮宗則曰本性彌陀孔子
則曰天理老子則曰谷神易道則曰太極名雖有異
其實同一真如本性也此性虛而靈寂而妙天地未
分先有此理歷塵劫而不朽世界壞而不遷祖師亦
云有物先天地無形本寂寥能爲萬象主不逐四時
凋正謂此也嗟乎人不能任其自如之真而梏於地
水火風和合之質方其受形也已爲陰血濁氣昏其
本然清淨之軀及其生也六塵五欲之迷倒昧於本

9 10 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8

有之天真是故佛說八萬四千法門皆是導人反妄而歸真也其捷徑易行者唯念佛一門修之者心不散亂三昧現前是復其本性也孔子教人克去己私復還天理私欲淨盡天理流行老子令人去爾欲寧爾神正是谷神不死也谷者虛也神者靈也謂之虛靈不昧也虛靈不昧者卽毀不滅性也書云自誠明謂之性自明誠謂之教誠則明矣明則誠矣唯天下至誠爲能盡其性能盡其性則能盡人之性能盡人之性則能盡物之性能盡物之性則知聖凡之性同體也金剛經云是法平等無有高下是法者指其本

性也本性喻乎金剛言其堅固不壞也無有高下者上至諸佛菩薩下至蠢動含靈謂其皆有佛性故曰平等也心經云不增不減此性在聖不增在凡不減故曰不增不減也豈不見儒云一切含靈各具一太極亦此理也嗚呼聖凡人物本乎一性只因迷悟之殊染淨之別所以有成聖也有成凡也有爲人也有爲物也夫如是則物命之類豈可殺而食之乎今時若殺他而食之他時必殺汝亦食之不見楞嚴經云人死爲羊羊死爲人遁相吞噉豈可逃哉或曰天生萬物所以養人也若不殺不食使禽獸之愈多將何

以治之答曰因是殺食者多墮墮者亦多若能不殺不食則無遁償之患矣何則世間男女盡持齋戒則自然不食不食則不殺不殺則不墮不墮則地獄變爲天堂凡夫成乎佛也梵網經云持戒比丘不殺生草而況於有情乎有情者物命含靈也無情者草木瓦礫也由是推之則大小物命之類皆不可殺也汝等諸人切宜仔細究心念佛啓悟真源若也了了自見法法現前是名見性成佛超出輪廻若也一念差違永沉苦海可謂披毛從此得作佛也由他

東坡學士飲食說

二十六

夫天地之間陰陽之內發生萬靈并以萬物然其萬物滋益萬靈萬靈之中人爲第一雖云第一還衣食本食本已且然後可以立身可以立行其立身者何用禾黍稷麥菽及瓜果茹菜之物也其立行者何行仁義禮智信作士農工商之業也所以世人各隨其意而成立之且如畜類皆是萬靈之數亦有五常之理喜怒哀樂動靜昇沉痛痒饑飽孳生愛護如我亦然堪嗟世人以爲食敢橫加炮炙深可悲哉嗚呼形雖我不同命亦吾無異烹他身而養我身宰他命而生我命實非仁恕之心乃是癡愚之意凡食肉者皆

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

犯五常屠戮他身肥甘自己爲不仁也離他眷屬延我親朋爲不義也將他肉躰供獻神人爲不禮也稱言食祿當受刀砧爲不智也設餌粧謀引入陷阱爲不信也噫人居塵世全藉五常知而故犯不足爲人又曰世有常言欠我錢債作畜償還當我食祿俱無過咎余慎思之亦不然也緣衆生靈卽人性命命爲已命債爲世財債可以捐命不可捨展轉冤讐更相互受今將爲食可不愍乎於戲食之者不仁人仁人者不食矣明道先生曰人吾同胞畜吾同氣裴國相云血氣之屬必有知凡有知者必同體孟子曰見其

生不忍見其死聞其聲不忍食其肉是故君子所當深戒也

優曇祖師戒殺文

二十七

卵胎濕化飛走蟲魚皆未來諸佛之流或過去多生父母至於顚頏怖死汲汲貪生避苦而樂其身此情一等求安而養其命斯理萬均何乃聲哀哀而牽上刀砧眼盼盼而驅就死地或張羅亘野布網連山火逐領以高低煙隨處而踈密疾電之鷹爭舉追風之馬競前猿覩箭以覩飛雁看弓而膽落解頭陷腦之酸難抵洞骨徹骨之痛奚禁况斯等共烹五行俱含

10 1 2 3 4 5 6 7 8 9 20 1

30 1

2 3 4 5 6 7 8

四象同沾佛性共有神明何乃陳此肉山樹茲炮烙充其口腹美彼心肝殊不知斷其命者是出佛身之血食其肉者寧非父母之身造殺害之身尤斷慈悲之種性生前福壽暗裏消磨死後沉淪刀山劍樹還作雞猪魚兔次第填償至於宰割烹炮因果相似諦觀食肉可謂寒心縱售易於屠門亦難逃於重罪菩薩寧當破骨終不食噉衆生是以白兔焚身而仙人不顧也草尚不拔肉豈容嘗遠彼庖厨有聞聲不忍之訓養他出賣同口殺心食之尤大聖垂慈所以制戒永斷殺生其德大也修淨土人故當持守可謂不

貪香餌味始是碧潭龍

佛印禪師戒殺文

二十八

鱗甲羽毛諸品類衆生與佛心無二只爲當初錯用心致使今生頭角異水中遊林裏戲何忍將來充日計須臾活捉在砧床口不能言眼還覩或槌盞或刀刺牽入鑊湯深可畏推毛捋羽刮皮鱗剖脊剜心猶吐氣美君喉誇好味勸子勸妻同噉嗜只知恣性縱無明不懼陰司毫髮記命纔終冤業至面對閻王爭戒忌莫把衆生當容易食他一巒巒還他古聖留言

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

終不爲戒殺念佛兼放生決到西方上品會

真歇禪師戒殺文

二十九

堪歎世人大錯却將苦事爲樂迎賓待客安排殺害
生靈造作耳畔痛聲未絕便把沸湯淋潑不是鑊裏
烹炮便向火中炙焰堂上聚集親朋堂下喧喧鼓樂
恣其一世奢華豈覺千生墮落一朝壽盡報終索命
冤家尋捉直饒抵諱分舒其奈鬼神執縛或上刀山
劍樹或入燄爐沸鑊依次償他宿債却被刀傷斧斫
此時痛苦自當人情都使不着縱然受苦出期未免
透入別殼若非啣鉄負鞍必定披毛戴角奉勸諸善

男女各自回頭相度何如改悔身心庶免沉淪三惡
若教賺却路頭萬劫難爲轉脚但念阿彌陀佛求生
西方極樂

普菴祖師戒殺文

三十

堪歎諸人不較量却將造罪當燒香處處神壇社廟
盡是作業之場箇箇燒鵝煮鴨每每宰殺猪羊巧者
持刀出血拙者便去燒湯向前起來下手推手破肚
搜腸煮得半生半熟諸人鬪割分張一似夜叉剝剝
猶如虎豹豺狼祭賽邪神野鬼正神豈可來嘗又
何曾飽滿反遭觸犯天堂貓兒無人殺喫收拾被下

10.1 23mm

20.1

30.1

40.1

50.1

60.1

70.1

80.1

90.1

安藏猪羊廣有人殺只見成隊成行禽獸時時遭戮殺者定去承當因此三荒兩旱爲人豈不思量若要報答天地除非齋戒賢良諸仁者殺他一命還他殺一念回光免禍殃 倭曰

畜生本是人來做人畜輪迴古到今不要披毛并戴角勸君休使畜生心

身爲苦本覺悟早修

二十一

三界無安猶如火宅三界苦緣猶如牢獄三界之內六道所居六道者何也天仙道人倫道修羅道餓鬼道畜生道地獄道依佛理而言之六道無非是苦不

見法華經云我以佛眼觀見六道衆生貧窮無福慧入生死險道相續苦不斷是也天道雖是樂因不出輪迴苦本人道之中其苦無量何況四惡道之苦乎今將人中所見之苦略說幾種以示之只這色身誰信身爲苦本盡貪世樂不知樂是苦因浮生易度豈是久居幻質非堅總歸磨滅何謂也衆等各觀自身從頭至足其中但有三十六物髮毛爪齒眵淚涕漚垢汗二便皮膚血肉筋脈骨髓肪膏腦膜脾腎心肺肝膽腸胃赤白痰癰生熟二臟如是九孔長流是故經言此身衆苦所集一切皆是不淨何以故人身之

內有八萬戶蟲在中而住靜地思之甚可患厭且夫六根完具者猶可其中又有眼瞎耳聾者脚跛手折者腰跎背曲者口啞舌短者臭爛嘴邪者唇缺齒凹者頭癩髮黃者項頰上生瘤者足不能行而手移者生瘡毒流膿出血者生麻瘋瘻癬臭穢者生爲奴婢而恒受打罵者生在邊地下賤與畜類無異者所言身中之苦說不能盡復有八苦交煎無時暫息何謂八苦生苦老苦病苦死苦寃憎會苦愛別離苦求不得苦五陰熾盛輪轉苦是爲八苦也八苦之中其苦無數智者自明之復有多種橫死之苦不能保耶或

餓死者凍死者炎熱逼惱而死者飲食過度而死者爲酒而死者爲色而死者爲財而死者爲氣而死者火焚而死者水溺而死者山崖石壁而壓死者屋倒墻頽而壓死者家遭劫賊而殺死者路逢強盜而殺死者車輶馬踏而死者入陣戰鬪而死者犯王法而死者染時疫而死者夢魘而死者鬼迷而死者入邪而死者癥瘍而死者虎齧而死者蛇傷而死者天雷而誅死者惡神而打死者毒藥蠱物而暗害死者負沙而急死者擲瓦石而誤死者上高而跌死者驚怖

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

而憂死者求名不遂而死者謀利不得而死者自縊
刺刃而死者自投水火而死者復有多種不能盡述
於戲又有處世做家之苦再示幾端有貧窮男女之
苦有富貴男女之苦富貴者恐所失而憂貧窮者欲
所得而憂貧富憂苦雖不同然其跋涉則一也何哉
人生世間男婚女嫁官司戶門人情往來迎賓待客
砌造房屋置買田園建立墳塋春秋祭祀殺生害命
禱鬼求神士農工商生涯活計插秧下種運水搬柴
洗染縫紉綿績苧收曬春磨煮飯調羹洗面梳頭
登廁澡浴去塵掃地整漏遮羞執捉施爲辛勤顧管

奔波勞碌日用所須曉夜尋思千方百計若說當家
之事微細多端筆不能盡吁富貴猶可措辦貧窮揭
債支撐何以故其中或有典賣房屋基址者典賣山
園田地者典賣衣裳什物者典賣妻妾兒女者如此
因由無不是苦復有多種再說數般饑渴又是苦痛
痒又是苦熱極又是苦寒極又是苦蚊蠅蚤虱叮咬
又是苦蜈蚣惡犬傷殘又是苦雨多又是苦旱多又
是苦蝗蟲來侵又是苦荒年來到又是苦狂風卒至
又是苦雷電驚人又是苦家眷不安又是苦地方反
亂又是苦復有苦中之苦難可悉陳噫此上苦緣還

10 1 2 3 4 5 6 7 8 9 20 1

30 1 2 3 4 5 6 7 8 9 30 1

是人中小苦若作惡業罪障永墮地獄餓鬼畜生受其大苦況人間之小苦乎悲夫世人不知是苦反要亂作胡行不忠不孝不仁不義以強凌弱以貴輕賤以富欺貧以曲枉直以大壓小以下慢上如此非法而爲展轉沒在苦海矣嗟乎我今重重苦口三復丁寧欲令天下人盡持齋戒齊念彌陀同出苦輪共登樂土諸仁者要知病來死來那件替得你也縱有父母公婆夫妻兒女富貴功名金銀錢寶盡皆無用處也唯當各自努力預辦前程况以光陰有限時不待人生死無常呼吸難定故先德云休休休及早修晴

乾不肯去直待雨淋頭誠哉是言也若人知此而不信行實孤負吾之苦勸爾

三大聖人決疑文 出藏經

三十二

唐洛陽圓極寺釋慧日俗姓辛氏東萊人也中宗朝得度及登具足後遇義淨三藏造一乘之極奧躬詣竺乾心恒羨慕日逐誓遊西域始者泛舶渡海自經三載東南海中諸國峴輪佛誓師子洲等經過略徧乃達天竺禮謁聖迹尋求梵本訪善知識一十三年容稟法訓思欲利人振錫還鄉獨影孤征雪嶺胡鄉又涉四載既經多苦深厭閻浮自歎曰何國何方有

10 1 2 3 4 5 6 7 8 9 20 1

30 1

樂無苦何法何行能速見佛徧問天竺三藏學者所說皆讚淨土復合金口其於速疾是一生路盡此報身必得往生極樂世界親得奉事阿彌陀佛聞已頂受漸至北印度健馱羅國王城東北有一大山山有觀音像有至誠祈請多得現身日遂七日叩頭又斷食畢命爲期至七日夜且未央觀音空中現紫金色相長一丈餘坐寶蓮華垂右手摩日頂曰汝欲傳法自利利他唯有西方彌陀佛國勸令念佛誦經廻願往生到彼國已見佛及我得大利益汝自當知淨十法門勝過諸行說已忽滅日斷食旣困聞此強壯及

登嶺東歸計行七十餘國摠一十八年開元七年方達長安進帝佛真容梵夾等開悟帝心賜號曰慈愍三藏生法師生常勤修淨土之業著往生淨土集行于世其道與善導少康異時而同化也○又唐大曆二年法照大師棲止衡州雲峰寺勤修不懈唯以勸人念佛爲急務於僧堂內粥鉢中兩次現五臺勝境勝境中復現有寺金榜題云大聖竹林寺於是法照心懷渴仰欲禮五臺遂在衡州湖東寺起五會念佛道場願見大聖至四年八月十三日發行於五年四月五日到五臺縣逢見佛光寺南數道白光六日到

10 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8

佛光寺果如鉢中所見略無差別其夜四更見一道
光從北山下來射照照忙入堂內乃問衆云此何祥
也吉凶焉在有僧答言此大聖不思議光常覺有緣
照聞已卽具威儀尋光至寺東北五十里間果有山
山下有澗澗北有一石門見二青衣可年八九歲顏
貌端正立于門首一稱善財二曰難陀相見歡喜問
訊設禮引照入門向北行五里已來見一金門樓漸
至門所乃是一寺寺前有大金榜題曰大聖竹林寺
一如鉢中所見者方圓可二十里一百二十院皆有
寶塔莊嚴其地純是黃水流渠花樹充滿其中照入

寺至講堂中見文殊在西普賢在東各據師子之座
說法之音歷歷可聽文殊左右菩薩萬餘普賢亦無
數菩薩圍遶照至二菩薩前作禮問言末代凡夫去
聖時遙知識轉劣垢障尤深佛性無由顯現佛法浩
瀚未審修行於何法門最爲其要唯願大聖斷我疑
網文殊報言汝今念佛今正是時諸修行門無過念
佛供養三寶福慧雙修此之二門最爲徑要所以者
何我於過去劫中因觀佛故因念佛故因供養故今
得一切種智是故一切諸法般若波羅密甚深禪定
乃至諸佛皆從念佛而生故知念佛是諸法之王汝

10 1 2 3 4 5 6 7 8 9 20 1

30 1

當常念無上法王令無休息照又問當云何念文殊
言此世界西有阿彌陀佛彼佛願力不可思議汝當
繼念令無間斷命終之後決定往生永不退轉說是
語已時二大聖各舒金手摩照頂爲授記別汝已念
佛故不久證無上正等菩提若善男女等願疾成佛
者無過念佛則能速證無上菩提語已時二大聖互
說伽陀照聞已歡喜踊躍凝網悉除又更作禮禮謝
而退已上二則載於有宋高僧傳俱在藏內富字函
前後事由文煩不錄

萬宗禪師直指篇

三十三

夫念佛三昧者名一行三昧也蓋彼行人旣了深旨
能持一念不涉餘行唯念彼土唯憶彼佛知身土無
二了憶念亦一乃得如上所立之名爲一行也雖名
一行其於行人亦當以彼一切世出世間無量法門
諸功德行以爲助道則往生行疾是故一切諸行悉
爲淨土而修無別岐路名一行耳譬如衆流入海同
得海名萬善同歸得名一行以是義故則一切念處
正勤根力覺道四弘六度皆淨土行乃至人中染指
之善及散心念佛或一稱名或舉一手一禮一讚或
一瞻仰乃至或奉一香一水一華一燈一供養一供

10.1 2 3 4 5 6 7 8 9 20 1

30 1

2 3 4 5 6 7 8

養具或一念修習至于十念或發一行一施一戒一
忍禪定智慧一切善根回向極樂願力持故雖有遲
疾皆得往生如經所說喻昔有人以小滴水寄於大
海願不壞不失不異不竭雖經多劫要還元水其人
經多劫已如寄所取果得元水不壞不竭此亦如是
以小善根回向極樂如寄滴水雖經異生善根不失
亦不壞竭生彼無疑何況正見邪見大乘小乘有漏
無漏散心定善事想觀慧皆名一行悉得往生唯除
外道種性故云但辦肯心必不相賺又經所謂一稱
南無佛皆已成佛道良可深信其有因心未起善行

未立身心未屈先期感應者不可與其同語也是故
釋迦聖主一代至談有無量三昧無量解脫無量行
願總持相應無量法門唯念佛一門圓攝無外悉皆
具足如彼大海吞約衆流性無增減如意珠置高
幢上能滿一切衆生願求體無虧損故此三昧寶王
能攝能具亦復如是由是義故始我
世尊以此念佛三昧徧告衆會非不再三彼會所有
承聽大根之士若文殊等及三乘聖賢天龍八部無
不傾心而歸信也逮我法流東土有大至人於彼廬
山闡揚遺化彼信奉者如風行草上極天下之望無

10 1 2 3 4 5 6 7 8 9 20

30

1

不美其教焉自佛至今將二千數百餘載中有聖賢之人高僧巨儒農商仕賈匹夫匹婦奴婢黃門或自行而勸人或著文而作誓重法如寶輕身若塵臨難不懼臨死不顧挺身立行力修此道者何知其幾或修隨喜或信歸依乃至隨德盡已之誠而行者其數益衆誠所謂列宿塵沙尤莫况其多也或有半信不信猶豫不決之人尚生彼國疑城邊地何況正信正行正願者有何惑焉傳記所載萬不及一自古及今感受其賜竟筆舌所能盡述者乎縱欲別修道品但假自心之力或有退轉著魔之患唯此念佛法門因

仗佛力修則必成無復魔業永不退轉決定往生矣

龍華三會略要說

出藏經

三十四

一元掩闋默然有衆居士扣闋而問曰龍華三會因緣願師開示答曰云何而致問斯耶居士曰吾等自幼以來齋戒念佛願求龍華勝會證取菩提是以故問一元笑曰汝等求生淨土此問太遲求生龍華此問太早居士曰何謂遲早乎一元曰即使今朝成佛去樂邦化主又嫌遲那堪更欲之乎者管取輪迴沒了期豈不是太遲也彌勒佛過五十六億萬歲方乃降生龍華豈不是太早也汝等既持齋戒念佛只合

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

今生就求淨土速證菩提何待未來龍華方求解脫
居士曰多見世人求願龍華吾等隨類而言亦發此
願一元曰不求淨土而求龍華不知受了多少輪轉
之苦此願甚不相應居士曰吾等蒙師決疑今後徑
求淨土一元曰但辦肯心必不相賺居士曰求生淨
土之法幸得聞乎龍華三會之事亦欲願聞一元曰
備說則文繁略之又義闕今特取羅什法師之譯經
而告衆人焉自釋迦牟尼佛降生之時人壽百歲爲
始過百年減一歲減至三十歲時人長三尺饑饉災
起減至二十歲時人長二尺疾疫災起減至十歲之

時人長一尺刀兵災起此乃謂之小三災之變相也
祇留男女萬人逃入山中爲種彼時女子配人五月
卽嫁方爲減劫之極數也復過百年增一歲增至八
萬四千歲時名爲增劫之極數也又過百年減一歲
減至八萬歲時彌勒佛方乃降生於翅頭末國城中
大婆羅門家託胎父名修梵摩母名梵摩跋提彌勒
雖處胚胎如在天宮無異塵垢不障自然化生身長
三十二丈脣廣十丈面長五丈具八萬四千相好光
明衆生視之無有厭足其國有轉輪王名曰穰佐廣
行十善教導人民人民感化無不欽崇壽年皆八萬

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

歲身長一十六丈相貌端嚴無復醜陋女子配人五百歲方嫁彼時無有災患亦無寒暑門戶不關亦無盜賊衣服化生不須勞苦金銀七寶滿藏無人視之其地平正無有丘坑地上有樹形似金龍龍上開華故曰龍華勝會人民受用境界猶如自在天宮忉利天上只有三病不得純受快樂一者飲食二者便利三者衰老若便利時其地自然裂開過已還合生赤蓮華蔽其穢氣人命將終自詣塚間而死神識生天不墮惡趣何以故彼土人民皆修十善是故多生天上彌勒佛初會說法九十六億人得阿羅漢三十六

萬天人八部發無上菩提心復有多衆得二乘四果第二大會說法九十四億人得阿羅漢六十四億天人八部發菩提心復有多衆得二乘四果第三大會說法九十二億人得阿羅漢三十四億天人八部發菩提心復有多衆得二乘四果彌勒住世八萬歲說法度生般涅槃後正法住世亦復如是像法住世亦復如是龍華三會之事略說如斯其餘妙義備在經文不及盡述居士曰小三災三會之事固已聞乎再勞尊師開示大小劫大三災之事相也一元曰然吾語汝汝等諦聽焉夫小劫者前已言矣今復詳明人

9 10 1 2 3 4 5 6 7 8 9 20 1

30 1

2 3 4 5 6 7 8 9 30 1

從十歲而起過百年增一歲增至八萬四千歲時名爲增劫之極復過百年減一歲減至十歲之時名爲減劫之極如是一增一減爲一小劫如是二十番增減爲一中劫成住壞空各具二十番增減爲一大劫一大劫盡有一火災壞至初禪如是七火有一水災壞至二禪起七七四十九番大火則有七番大水又七番大火乃有風災壞至三禪凡五十六番大火壞初禪七番大水壞二禪一番大風壞三禪總有六十四大劫爲大三災始終之事相也古德云六欲諸天具五衰三禪尚自有風災直饒修到非非想也則不

如歸去來歸去來者乃西方淨土之謂也人若不修淨土橫豎沉在四生六道之中大小三災之內頭出頭沒受苦無窮居士曰聞師之說實用早修淨土出離苦輪一元曰我今開示汝等汝等當以遞相勸化同生淨土焉居士曰唯謹遵師命化導流行吾等拜辭致謝而去

宗鏡要語

三十五

永明宗鏡云心能作佛心作衆生心作天堂心作地獄心異則千差競起心平則法界坦然心凡則三毒縈纏心聖則六通自在心空則一道清淨心有則萬

10 1 2 3 4 5 6 7 8 9 20 1

30 1 2 3 4 5 6 7 8 9 30 1

境縱橫正所謂心生法生心滅法滅如谷應聲語雄而響厲似鏡鑑像形曲而影邪如人說醉梅口中自然水出說峻嶺足下似有痠疼夜繩不動疑之爲蛇闇室本空怖之有鬼故知萬法由心一切在我內虛外終不實外細內終不龐善因終值善緣惡行難逃惡境祇在最初一念致此昇沉諸仁者欲外安和但內寧靜心虛境寂念起法生水濁波昏潭清水朗修行之要靡出於斯正是欲斷其流但塞其源欲免其生但斷其根不用多功最爲首要故通心論云縛從心縛解從心解解縛從心不闕餘處出要之術唯有

觀心觀心得悟一切俱了且夫不離一真之境化儀百變是以箭穿石虎非功力之所能辭告三軍豈魏葉之所造筭抽寒谷非陽和之所生魚躍冰河豈魏羅之所致悉爲心感顯此靈通應知動作施爲皆由心之力若或信受具此力能則廣闢障門盡枯業海矣又云因心立法隨法得名處聖稱真居凡號俗似金作器隨器得名在指曰環飾臂名劍則一心不動執別號而萬法成差真金匪移認異名而千器不等若知法法全心作器器盡金成名相不能干是非焉能惑又如圓器與方器名字不同若生金與熟金言

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

說有異推原究體萬法皆空得旨忘緣觸途無寄夫
名因體立體逐名生體空而名無所施名虛而體無
所起名體互寂萬法無生唯一真心更無所有因凡
立聖聖本無名從俗顯真真元不立並依世俗名字
對待而生文字亦空空亦無寄若是上機大士胡假
名相發揚對境而念念知宗遇緣而心心契道是爲
第一義是名最上乘果達此宗人世之甚希有先德
云圓宗罕遇猶芥子投於針鋒正法難逢似盲龜值
於浮木若非宿熏乘種久種善根焉偶斯文親得傳
受所以古人重教輕財則輸金若市忘身爲法則立

雪幽庭且金是身外之浮財豈齊至教命是一期之
業報曷等真詮故知訓格之言不得暫捨可以鏤於
骨書於紳染于神熏于識所以楚莊輕千乘之國而
重申叔一言范獻賤萬畝之田以貴舟人片說此乃
成家立國尚輕珍重言况宗鏡中言下契無生聞之
成大道寧容輕慢乎

禮佛發願文或立拜或跪拜皆可也

身頂禮口稱名心作觀

三十六

歸依十方盡虛空徧法界不可說不可說佛刹微塵
數世界過現未來佛法僧三寶
現坐道場千華臺上百寶光中萬德世尊說經教主

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

本師釋迦牟尼佛○西方極樂世界大慈大悲大願
大力大聖世尊本師阿彌陀佛○當來下生慈氏如
來本師彌勒尊佛○大智文殊師利菩薩大行願王
普賢菩薩大慈悲父觀世音菩薩大勢至菩薩諸尊
菩薩摩訶薩西天此土一切祖師菩薩護法列席諸
天菩薩○伏望不違本誓不捨慈悲乞賜天眼遙觀
天耳遙聞他心速鑑爲作證明弟子某甲等從我今
身盡未來際身誓依普賢菩薩摩訶薩不可說無邊
行願及我此四十八種不可說廣大行願我當生生
修學世世無違

信解堅固不可說	決定無疑不可說
發菩提心不可說	持清淨戒不可說
見佛聞法不可說	禮敬稱讚不可說
承事供養不可說	懺悔隨喜不可說
勇猛精進不可說	慈悲喜捨不可說
行無邊行不可說	發廣大願不可說
修學回向不可說	智慧明了不可說
法身無量不可說	功德莊嚴不可說
淨土化生不可說	蒙佛授記不可說
相好光明不可說	圓音善巧不可說

10 1 2 3 4 5 6 7 8 9 20 1

30 1

萬葉上

萬葉下

總持辯才不可說

秘密三昧不可說

壽量名號不可說

微細甚深不可說

真如平等不可說

妙用差別不可說

方便知見不可說

示成正覺不可說

那伽大定不可說

師子震吼不可說

神通無礙不可說

神力無畏不可說

降伏衆魔不可說

摧破外道不可說

分身變化不可說

隨類示現不可說

轉大法輪不可說

普度衆生不可說

究竟成熟不可說

悉令解脫不可說

往生佛國不可說

證悟佛乘不可說

具諸佛法不可說

作諸佛事不可說

入佛衆會不可說

同佛受樂不可說

如上所發四十八種廣大行願爲首誓期滿足百萬
阿僧祇大願惟冀

三寶世尊觀世音菩薩同體慈悲證明攝受弟子某
等若違一願者不取正覺何以故

阿彌陀佛發願如是十方諸佛發願亦如是普賢菩
薩發願如是諸大菩薩發願亦如是中峰祖師發願

9 10 1 2 3 4 5 6 7 8 9 20 1

30

1

願以此功德普及於一切我等與衆生皆共成佛道
上報四重恩下濟三途苦若有見聞者悉發菩提心
盡此一報身同生極樂國盡此一報身同生極樂國
十方三世一切佛一切菩薩摩訶薩摩訶般若波羅
蜜禮佛發願文終

學佛之人須發此願不依此願不名發菩提心也

右上發願文與諸人作箇樣子凡有修福念佛禮
讚誦經乃至毫芒之善悉皆回向西方有所歸趣
臨終定生淨土也諸仁者果能持此戒發此願行
此行非但往生淨土亦不墮於緣覺聲聞之地親
證普賢境界直至成佛矣

淨土成佛

三十七

蓮宗寶鑑云金剛定後菩薩因圓解脫道中如來果
滿具四無量心得四無礙辯十八種法不共二乘十
力現前說法無畏塵沙惑盡萬行功成十號俱彰三
身圓顯具九十七種大人相放八萬四千大光明悲
智雙融福慧兩足現居十重報土能垂萬類化身布
大慈雲雨大法雨滂流法界潤澤羣生成悟本心同
成正覺○選佛若無如是眼宗風那得到如今

歸元直指集上卷終

直音切字俱在下卷末

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

宗本普勸念佛因門弟子求西方詩集成百首附此
西方百詠普告諸賢

西方古教世尊宣東土開宗號白蓮十八大賢爲上
首虎谿三笑至今傳

西方大道理優長功德巍巍不可量非但釋迦開此
路恒沙諸佛盡稱揚

西方教啓感牟尼諸佛稱揚共所知十六觀經親指
示修行最上念阿彌爾

西方初觀要精虔落日之形似鼓懸送想樂邦歸一
處是名無上甚深禪
虔音

西方二觀甚分明定水無波徹底清心月孤圓全體
現結跏趺坐想成水
趺音

西方三觀地瑠璃法樂鳴空了了知衆相莊嚴光映
徹一心決定永無疑

西方四觀樹成行百寶莊嚴盡放光受用現成長快
樂諸人何不早承當

西方五觀大家知四色蓮開七寶池德水靈禽宣法
語洗除煩惑證菩提

西方六觀總包含塵世繁華莫要貪本性彌陀皆具
足現成公案不須參

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

西方七觀始相應寶座巍巍願力成大聖端居恒自在聲聞小果不能升西方八觀要分明諸佛皆從心想生託像凝真融理事何愁淨土不圓成

凝音

西方九觀紫金身相好光明無等倫攝取衆生歸極樂天眞父子最相親西方十觀用誠心常念慈悲觀世音但得聞名多獲福良哉大士願洪深西方十一觀難量勢至光中佛讚揚處處分身弘教化誓爲苦海作津梁

西方十二觀融通一念精誠密下功當想自身生極樂巍巍端坐寶華中

西方化佛放光明無量分身度有情依正莊嚴皆具足十三觀裏悉圓成

西方教主大慈悲接引衆生號導師九品咸令登彼岸永無退轉證菩提

西方一路向前行圓發三心諦理明上品上生彈指到最先見佛悟無生

西方快樂實奇哉觀想精誠華易開上品中生隨願往端然自在坐金臺

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

西方但發道心堅普願同登般若船上品下生終有
分每人一朵大金蓮

西方明白不朦朧齊戒堅持達苦空中品上生三昧
力阿羅漢果獲神通

西方宜用戒香修一念華開預聖流中品中生經半
劫無生妙果不須求

西方助道孝爲先行世仁慈種福田中品下生聞妙
法早逢知識是前緣

西方化主願無邊一念歸依滅罪愆下品上生聞佛
號蒙師指示大因緣

西方大道古通今無奈當人罪業深下品中生知識
力一聞法語便回心

西方一著在臨終知識相逢活路通下品下生稱十
念罪消塵劫福無窮

西方精進莫遲延一墮疑城五百年大聖放光來照
破重歸淨土禮金蓮

西方初地發心堅歡喜行檀種福田身命資財俱棄
捨高登上品坐金蓮

西方二地要虔誠念佛先須理觀明持戒精嚴離垢
穢心田清淨道圓成

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

西方三地意根清忍辱柔和化有情種種神通皆具
足紫磨金相發光明

西方四地體空虛煩惱心魔盡掃除精進自然生談

慧始終不二證真如

西方五地最難登見解明通勝二乘清淨法身知大
意深修禪定顯真情

西方六地得圓融左右逢原觸處通般若現前無阻
滯全身手眼大開宗

觸聲充入

西方七地始分明菩薩悲心在遠行念念貫通差別
智若無方便不圓成

西方八地悟無生諸佛如來作證明不動法身遊苦
海廣弘大願救迷情

西方九地法無邊大士弘揚志力堅宗說皆通稱善
慧四無礙辯悉周圓

西方十地智爲先法雨慈雲徧大千師子吼時羣獸
伏一生補處證金仙

西方等覺佛同肩行願難思號普賢面受如來親付
囑利生接物起無緣

西方妙覺果周圓具眼文殊福智全盧舍那身功德
備脫珍著弊爲施權

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

卷之二

聖

西方圓覺聖中師同體觀音具大悲十號三身俱滿
足是爲無上佛菩提

西方遠祖最先知猶向山中禮六時一百廿三人結
社同生淨土證菩提

西方大聖法中王接引羣迷放寶光不憚疲勞弘願
重常遊苦海駕慈航

航杭音

西方易到莫沉吟只要當人辦肯心彈指已超生死
海有緣得遇芥投針

西方不遠莫他求一句彌陀作話頭但得盡生無別
念蓮華佛國任君遊

西方用力不消多十念圓成在剎那佛祖指明歸去
路一生當得住娑婆

西方慈父動悲哀接引迷流歸去來早向蓮臺親託
質莫投凡世入胚胎

西方諦信莫生疑念佛修行要及時有限光陰宜早
辨骷髏著地幾人知

西方根本戒爲先戒若精兮定亦堅定力不枯生妙
慧慧明心了卽金仙

西方不用學多端一句彌陀在反觀見得本來真面
目始知生死卽泥洹

洹完音

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

卷之二

三

西方徑到莫徜徉全要當人自主張但得一心專念
佛蓮華國內姓名香 尚平 祥羊

西方池內寶蓮開寶物莊嚴自化來百寶光中親見
佛巍巍端坐寶華臺

西方淨土果奇哉優鉢羅華徧界開種種現成真富
貴一華臺上一如來

西方佛號我同名直下承當了不驚若得一聲翹喚
醒何勞十萬八千程 醒星上

西方化主度迷情佛力加持道易成撒手便行無異
路最初一步要分明 撒殺音

上

西方門路甚分明一句彌陀速趨程早到金剛臺上
坐同名同號證無生 趕聲賢上

西方彈指悟無生上品金臺佛早成面見彌陀親授
記當來說法度羣情

西方富貴樂安然受用隨心在面前天上人間難比
賽巍巍端坐紫金蓮

西方佛國勝生天亦勝蓬萊有漏仙亦勝王侯并富
戶要知亦勝坐癡禪

西方快樂勝天宮壽命難量福不窮無信衆生顛倒
謗有緣佛子得相逢

卷之二

三

10.1 2 3 4 5 6 7 8 9 20 1

30 1 2 3 4 5 6 7 8 9 30 1

西方佛子具神通放去收來項刻中隨類現形施妙
用開權顯實振宗風

西方景致勝蓬萊服氣食霞養禍胎莫學出神修煉
法直教枯木放華開

煉音

西方淨土有蓮胎普勸衆生歸去來一念華開親見
佛永無八難及三灾

西方富貴勝王侯種種莊嚴事事周但辦肯心求彼
國輪迴惡道一齊休

西方及早向前修閑是閑非一筆勾放下身心勤念
佛也無煩惱也無憂

西方受用勝豪家七寶池中四色華衣食現成非造
作光明相好絕纖瑕

西方滿眼是蓮華百寶莊嚴富可誇諸上善人俱一
處不知其數倍恒沙

西方捷徑勝參禪一句彌陀快着鞭十萬億程彈指
到爲人只欠自心堅

鞭邊音

西方只要辦心堅努力勤修速向前順水行船加舡
棹導師接引願繩牽

努奴上音

艤魯音

西方不擇富和貧不揀賢愚貴賤人不問女男并老
幼不分僧俗及冤親

揀音簡

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

西方方法眷最相親盡是修行念佛人我等欲歸安養國卽今便種往生因

西方啓教感能仁一句彌陀淨土因六道四生皆具足要知作佛在人倫

西方功德水無痕念佛先須達本根非但人倫生淨土蜎飛蠕動也沾恩

痕恨平

蜎蜎

軟音

西方今古鎮長存慈父哀憐度子孫八萬四千門路別彌陀一句衆稱尊

西方極樂衆稱尊普勸諸人入此門有口不須閑講論單提佛號度朝昏

西方有佛號彌陀普度衆生出愛河六八願門通九品人人可到莫蹉跎

西方在近路無多直下承當在剎那觸目遇緣皆極樂水流風動演摩訶

西方徑路好修行勇猛加功速趨程九品蓮臺都有分華開早晚悟無生

西方捷徑易求生只在當人一念誠精進再加修福慧金臺上品得標名

西方步步踏蓮華指路開門謝釋迦三復丁寧無別說一心念佛早歸家

101 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

西方端的是吾家一句彌陀路不差信得及時行得
實直教鐵樹也開華

西方易往少人知徑路修行不用疑六字真經純熟
了金蓮臺上禮阿彌

西方慈父號阿彌接引人生九品池提徑法門容易
到可憐多是自狐疑

西方啓教號蓮宗東土興緣謝遠公念佛參禪無別
路本來妙有卽真空

西方弘誓廣流通一句彌陀好用功歷歷分明無間
斷聲聲喚醒主人翁

西方直指易修持本性彌陀熟得知六道三塗生死
轉思量怎不痛傷悲

西方公案早行持寂寂惺惺着意疑疑到情忘心絕
處元來自己是阿彌

西方一句是單傳不假修持已現前諸上善人如見
性阿彌陀佛便同肩

西方大道兩無偏一句彌陀事理全明得箇中微妙
旨始知念佛卽參禪

西方衆苦不能侵先要當人了自心會得目前真極
樂拈來赤土是黃金

拈切奴兼

9 10 1 2 3 4 5 6 7 8 9 20

30

1

西方大地是黃金寶樹參天演法音如此名爲安樂
國三塗八難永無侵

西方一句上乘機莫信邪師說是非昔白世尊親付
囑修行徑路念阿彌

西方功德實難思反謗彌陀是闡提地獄墮身無量
劫不知何日出頭時

闡川上聲

西方有路少人登一句彌陀最上乘把手牽他行不得
但當自肯乃相應

西方易到可修行十念精專便往生奉勸世間男共
女大家速急趨歸程